



सानसेयारि 'बड'सा' खरीरालाइयाव
समाज्यादि जिज्जो लोब्बा थानाय रायथाय, खन्थाय,
सल', सल'बाथा आरु हावबायादि थावनि, पार्क
बाइदिनि स्यायव लिन्नाय लिन्नाय दिथाय डर!
सानसेयारि 'बड'सा' खरीरालाइया सेबरानाने
फोसावगोन।
बड'सायाव लिन्नाययि दुबा खालाम,
'बड'सा' खरी नोथां, जो बयबो आंगो खालाम।
सानसेयारि 'बड'सा मावखुलि
माइबं नोगोर, जोहोलाव दैमालु लामा
कक्राझार, बिदिसि-783370
Website: www.bodosanewspaper.com

★ BODOSA ★ A Bodo News Daily ★ Thursday ★ 9 May, 2024 Kokrajhar, BTC, Assam ★ Vol.- 34, Issue No. 43 ★ R.N.I. Regd.No. 40994/91, Assam Govt. Regd.No. IPRD. 40/2006/3, ★ Rs.8/-

हायार सेकेन्डरि जोबथा आन्जादनि फिथाइखौ दिनै फोसावगोन



गुवाहाटी, 8 मे: सोलिफु बोसोर 2024 इ माइथायनि गोर्जोसिन
गेजेर फरायसालि एबा हायार सेकेन्डरि जोबथा थाखोनि आन्जादनि
फिथाइखौ गाबोन 9 मे अक्ट'खालि फोसावसिगोन। आसामनि
सोलोथाइ मन्थि ७ रनज पेगुआ दिने गावनि खोथानि गेजेरजो बे
आयदानि सोमोन्दै फोरमायथिदो। गावनि दुइतरआव सोलोथाइ
मन्थि पेगुआ लिन्दोदि, आसाम हायार सेकेन्डरि इडुकेसन
काउन्सिलआ एड्सएस जोबथा (५ बिलाइआव)

फैगौ 2025 इ माइथायाव खुनो गोनां 64थि बर' थुनलाइ आफादनि बोसोरारि जथुम्मानि रायदाव आफादनि गाहाइ मावखुलि बेखेवबाय

बड'सा थान्दै/उदालगुरि, 8
मे: फैगौ 2025माइथायाव
उदालगुरि जिल्लानि सिडव
थानाय दिमाकुसि हालामाव बर'
हारनि दिथागिरि माहारियाय
आफाद एबा मिरु बर' थुनलाइ
आफादनि खुनो गोनां 64 थि
बोसोरारि जथुम्मानि रायदाव
आफाद थामहिनबा बान्जाय
आफादनि गाहाइ मावखुलिखौ
दिने दिमाकुसि सहराव मोनसे
हाबाफारिनि गेजेरजो बेखेवनाय



जायो। मिरु बर' थुनलाइ
आफादनि गाहाय नेहाथारि
निलकान्त गयारिनि मासि
लानानै दैदेन्याय दिनेनि बे
मावखुलि बेखेवनायनि गिबि
हाबाफारियाव मिरु बर' थुनलाइ
आफादनि गोथार फिरफलाखौ
बिरहोयो मिरु बर' थुनलाइ
आफादनि आफादगिरि ७ सुरथ
नाजारीआ आरो रायदाव
आफादनि गाहाइ मावखुलिखौ
(५ बिलाइआव)

जाब्रथाइयाव जिउ खहा जानाय फालागिरिनि गोथै सहखौ लानानै सोमावसारदो



कक्राझार, 8 मे: कक्राझार
सहरनि देबरगावआव मैया
जाब्रथाइजो सासे फालागिरिनि
जिउ गोमानायखौ लानानै दिने
सहरनि शान्तिनगरआव
(५ बिलाइआव)

बाथौ आश्रम जथाइ आफादआ मेट्रिक आन्जादाव उथिसारनाय फरायसाफोरखौ बरायदो

बड'सा थान्दै/गरेस्वर, 8 मे:
तामुलपुर जिल्लानि सिडव
थानाय गरेस्वर सहरनि बिष्णु
राभा भवनआव दिने बाथौ
आश्रम जथाइ आफादआ मेट्रिक
आन्जादाव सेथि, स्तार आरो
दिस्तिक्सन लानानै उथिसारनाय
फरायसाफोरखौ बरायनाय आरो
मान बाउनाय हाबाफारि खुनाय
जायो। थानाय बोसोरारिनि
बरायनाय आरो मान बाउनाय
बायदिनो देगलायबो गरेस्वर



सहरनि बिष्णु राभा भवनआव
बे हाबाफारिखौ खुनाय जायो।
बे बरायनाय आरो मान बाउनाय
हाबाफारियाव गाहाय आलासि
महरे एबसुनि आफादगिरि दिपेन
बर'आ बाहागो लायो। मख'नो
गोनादि, देगलाय बोसोरिनि
मेट्रिक आन्जादाव बाथौ आश्रम
जथाइ आफाद (बिएसिसि)नि
सिडव तप-10 मासि
आवग्रिनाय फरायसाफोरा जादो
(५ बिलाइआव)

81.61 जौखोन्दो भट गोग्लैनायनि हारजो आसामआ बयनिखुइबो गोजौसिनाव

गुवाहाटी, 8 मे: सा-सान्जा
राइज्योआव मोन 3
खोलोबआव खुंफुं जानाय
लकसभा बिसायख 'थिया
आलो-गोजोनै जोबनानै
थांबाय। आसाम एबा सा-
सान्जा राइज्योनि गोबां
राइज्योफोरवो बे खेवआव भट
गोग्लैनायनि हारआ गोजोन्थाव
जादो होन्ना आयगआ
फोरमायदो। बिसायख'थि
आयगआ फोरमायथाय होनाय
बायदिब्ला, मोन 3



खोलोबआव आसामआव भट
गोग्लैनायनि हारआ 80
जौखोन्दोनिफ्रायबो बांसिन।
गुबुन फार्सिथ आसामजो

लोगोसे त्रिपुरा आरो मेघालयआव
भट गोग्लैनायनि हारआ 75-
80 जौखोन्दो। बे बिथिडव
नोजोर होयोब्ला नुनो मोनोदि,
(५ बिलाइआव)

सिगांनि बिसायख'थिफोरनि
रिजाइनायाव बे खेबनि भटरफोर
गोबांआनो सांग्रासिन होन्ना
मिबथि जादो। सा-सान्जा
राइज्योनि माखासे राइज्योनि
बियाबफोरव गोजोनथाव महरे
भटरफोर भटखौ होदो। गुबुन
फार्सिथ नागालेन्डनि मोन 6
ओन्सोलनि भटरफोर भटखौ
नेवसिदोब्लाबो राइज्योनि भट
होनारनि हारआ 57 जौखोन्दो।
ल्लें, तुयेनचां, किपिरे, नकलाख
आरो सामातर मुनि मोन 6
(५ बिलाइआव)

नावबैसाआव जल जीवन मिसननि मावफुंनायाव जाख्ल 'नायनि अजद



लक्ष्मिपुर, 8 मे: मिरु सरकारआ 2024 माइथायाव गोग्गो लोंग्रा
दै जगायनायनि थाखाय आखायाव लानाय जल जीवन मिसन
बिथाखि मावफुंनायनि मुडव लक्ष्मिपुर जिल्लानि नावबैसायाव
गोबां बेले-बेजे सोमजिनानयनि बाथ्राया सोराडव फेदो। जर'खायै
थिनानै होखानाय समनि गेजेरव दै जगाय बिथाखिफोरखौ आबुं
खालामनो थाखाय सुबुं सावखि मावफुं इन्जिनियार बिफानआव
थिका खालामनायनि रंगथि गैयै (५ बिलाइआव)

नलबारि जिल्ला बेंगिरि बर्नालि डेकानि हेंथायै खोन्दोआरि बिबानगिरिआ गसरलाइ थिसन्दो

नलबारि, 8 मे: नलबारि
जिल्लानि बेंखनाव थानाय
सोनाब नलबारि खाजोना
बेंखनि खोन्दोआरि बिबानगिरि
अर्पना शर्माआ जिल्ला बेंगिरि
बर्नालि देकानि हेंथायै गसरलाइ
थिसन्नायखौ नुनो मोन्दो।
मेलेमआरि नारसिन्थाय होनायनि
अजद दैखानानै नलबारि सदर
थानाय खोन्दोआरि
बिबानगिरि अर्पना शर्माआ
गसरलाइ गथायो। गसरलाइआव



अजद होनाय बायदिब्ला,
खोन्दोआरि बिबानगिरि अर्पना
शर्माखौ हरखाबनो हवाटस-
एफआव मेसेज हरनानै मेटेरियेल
सेलआव बिबान गथायो। नाथाय
बे बिथिडव जेबो रोखोमनि

आगु फोरोंथाइनि राहा
खालामनाय जायाखेमोन। जेब्ला
40 नं तिहु बिधान सभा
बियाबनि इभिएम मेसिनजो
लोगोसे गुबुन गुबुन
फोरमानलाइफोरा मेटेरियेल
सेलनि काउन्टरआव मोनफैयो
बै समाव थोजासे मुजिरा
मावग्राफोरनि आंखालाव
बेफोरखौ हरखाबे स्त्रं रुमआव
लानो हायाखेमोन। बेबायदि
(५ बिलाइआव)

मन्थि पियुष हाजरिकाआ बजालीनि माथावरिनि खामानिखौ नायगिदिहैदो

बजाली, 8 मे: मोन 14
लकसभा मासिनि गेजेरव मोन
11 मासियाव देरहागोनआ 100
जौखोन्दो रोखा। बेनि
अनगायैबो आरोबाव मोनसे
मासियाव 50-50 मिजिथिनाय
जादो। बेवहायबो देरहानो हागो।
गासै मोन 12 मासियाववो
सन्देह गैया जासेनो देरहागोन
होन्ना बुंनो हायो। नाथाय
सिगाडव जायखि-जाया मोनसे
दोलोआनो 7-8 मासिल'



मोन्दोमोन। नाथाय बे बारआव
बिजेपिनि फिथाइआ जोबोर
गाहाम जागोन। बे बिबुथिखौ
लाखिदो मन्थि पियुष
हाजरिकाआ। बजालीआव
(५ बिलाइआव)

लक्ष्मिपुर जिल्ला बेंगिरिआ बुर्लुबुथुर दैमानि खुरखानायखौ नायगिदिदो

लक्ष्मिपुर, 8 मे: दिनेसिमबो ढकुवाकानानि बानदेनायाव बुर्लुबुथुरनि
खुरखानाय सोलाय जायै महरआववो दड। ढकुवाकाना दै सम्पद
खोन्दोनि बेंखनाव थानाय गोबां बिबानि धोननि फालागिजो लोब्बा
लाखिनानै लुफुंजानाय गोदान मुगानि बाहाय बिगियानजो रैखाथि
होजानाय बिथाखिफोरखौ फार्सिथिजानिफ्रायनो फेलें खालामनानै
बुर्लुबुथुरआ बानदेनायाव गिखंथाव महर लानानै ढकुवाकाना आरो
दैमानि द्विप माजुलीआव गिखंथाव इसार लाबोदो। दिने बुर्लुबुथुरनि
खुरखानायखौ नायगिदिदो लक्ष्मिपुर जिल्लानि बेंगिरि गायत्रि
हालेंगिआ दावबायहैयो। ढकुवाकाना महखुमानि लेडइ जिल्ला
बेंगिरि कार्तिक कलिता, ढकुवाकाना दै सम्पद खोन्दोनि मावफुं
इन्जिनियार प्रिताम्बर डेका बर'नि हेफाजबआव जिल्लानि बेंगिरि
गायत्रि हालेंगिआ खुरखानाय (५ बिलाइआव)

कंग्रेसखौ अलखदआव खोख्लैनानै सैम पित्रदाआ बिबान एंगारबाय

सा-सान्जा राइज्योनि सुबुंफोरखौ चाइनीज बायदि नुयो: सैम पित्रदा
गोदान दिल्ली, 8 मे: सोंखारि जाथाव बिबुंधि
लाखिनानै कंग्रेसजो गाग्लोब जानो गोनां
जानानाय कंग्रेसनि दैदेनगिरि सेइम पित्रभाइआ
कंग्रेसनि मख'जाथाव बिबानखौ नागारनायखौ
नुनो मोन्दो। सा-सान्जा राइज्योनि सुबुंफोरखौ
नुनायाव चाइनिस बायदि नुयो आरो खोला
भारतनि सुबुंफोरखौ आफ्रिकानि सुबुंफोर बायदि
नुयो होन्ना सोंखारि जाथाव बिबुंधि लाखिनानयनि
उनाव बिजेपिआ पित्रभाइ आरो कंग्रेस दोलोखौ
गोखौ रवजो सोंखारिदो। कंग्रेसनि दैदेनगिरि
जयराम रमेशआ फोरमायनाय बायदिब्ला,
पित्रदाआ कंग्रेसनि (५ बिलाइआव)



बड'सा थान्दै, ढेकिजाजुलि, 8
मे: गुरुदेब कालिचरण ब्रह्मनि
86थि रुंसारि सानखौ दिने
सनितपुर जिल्लानि

ढेकिजाजुलि दखरा ब्रह्म धोरोम
आफाद आरो जिकेबि जोंमा



आश्रम सामब्लाय आफादनि
बान्जायनायाव मेहेर गोनाडे
खुनाय जायो। रुंसारि सान
फालिनानयनि हाबाफारि बायदिने
फुंबिलियाव खोन्दो गैयै यज्ञ
फोर्जोनाय लोगोसे गुरुदेब
कालिचरण ब्रह्मनि सावगारियाव
बिबान बाउनाय आरो जिकेबि
जोंमा आश्रमनि मावख' आरो
(५ बिलाइआव)

गेलेमु पेन्स 'नार मानिक चन्द्र रायआ रुंसारि जाबाय एमएलए लरेन्स इस्लारिजो लोगोसे दोलो आफाद फसंथानफोरा दुखु मोन्नाय फोरमायदो

कक्राझार, 8 मे: 1969
माइथायनि सुब्रत मुखार्जि
फुटबल टुर्नामेन्टनि गेलेगिरि,
आसाम फुटबल गौथुमनि
फुटबल रेफारि, कक्राझार जिल्ला
गेलेमु फसंथाननि रेफारि बर्दिनि
नेहाथारि, आसाम सरकारनि
गेलेमु फेन्स'नार, गौरां गोजो
फरायसालिनि 'बारा' लोगो



फोरोंगिरि, सिमबोरगावनि
एभारेज क्लाबनि गायसनगिरि

एबा सिमबोरबाव बाथाबारि
गामिनि थागिबि समाज
सिबियारि मानिक चन्द्र रायआ
दिने फुंनि 5:00 रिंगायाव
गावनि न'आववो बे भुमखौ
अराय समनि थाखाय
नागारलाडो। जिउ गोमानाय
समाव रायनि बैसोआ 73 बोसोर
(५ बिलाइआव)

दैदेनगिरिफोरनि एना-एनिआवनो गुलाब राब्वानीनि दैदेन्यायाव बिटिआर नेमसुनि जोनोम



कक्राझार, 8 मे: बावैसो
जोबनानै थानाय राइज्योनि
लकसभा बिसायख'थियाव
हेफाजब होनायखौ लानानै सा-
सान्जा राइज्योनि माइन'रिदि
फरायसा आफाद सुद'थै नेमसुनि
(५ बिलाइआव)

गेजेरव इंसिआरि हेंथा-हेंसिआ
जोबथारनायाव दिने फरायसा
आफादआव उदाडै
गावसालानानै गोदाने बिटिआर
ओन्सोलारि नेमसु मुनि मोनसे
फरायसा आफादनि जोनोम
जायो। कक्राझार प्रेस क्लाबआव
दिने बोखावजानाय नेमसुनि
दैदेन्यायवो मोनाबिलिआव
बान्जायनाय मोनसे गोवलां
(५ बिलाइआव)



कक्राझार, 8 मे: कक्राझार जिल्लानि सिडव थानाय गसाइगाव
महखुमानि पखालागि आरो आलिनगरआव नाजारी फार्मनि
बान्जायनायाव बेसेन नाडे देहा आन्जाद खालामनायजो लोगोसे
गोनां मुलि रान्दो। कक्राझारनि सासे गोखौ समाज सिबियारि
लोगोसे नाजारी फार्मनि गाहाइ (५ बिलाइआव)

सुजुगिरिनि खोलोम

बोरोनखौ लानानै राजखान्ति

दासान्दि हादतनि 18 थि लकसभा बिसायख थिनि भट फोबो खुनायनि दुहुम सम। थानाय 19 एप्रिलनिफ्राय जागायनाय गिबि खोलोबनि बिसायख थिनि उनाव 26 एप्रिलनि नैथि खोलोब आरो मैया 7 मे अक्टय्याव थामथि खोलोबनि बिसायख थि फोबोयाबो फारियेनो खुंफुं जालाबाय। मोनथाम खोलोबआव गासै मोन 543 मासिनि गेजेराव मोन 284 मासिफोरनि थाखाय भट खुनाय जाबाय। फेगौ 13 मे अक्टनिफ्राय लानानै 1 जुन अक्टसिम गासै मोनबै खोलोबनि बिसायख थि फोबोनि भट खुनावनो आद्रा दड। बे मोनबै खोलोबआव गासै मोन 259 मासिनि थाखाय बिसायख थिनि भट खुनाय जागोन। बेफोर मासिनि थाखाय दासान्दि नमिनेसन लाइ गथायनाय, बोखानानै लानाय आरो फोसावदिनाय हाबाफारियाबो सोलिगासिनो दड। सिगांनि मोनथाम खोलोबआव बबे दोलो आरो हान्जाया बेसेबां मासि मोनगोन आरो बबेआ जेनगोन बेनि सानलाय-हलाय खालामनायनि फिथायखौबो दासान्दि फोसावनायखौ नुनो मोन्याय जादों। बे समनि गेजेरावनो मोनसे बिबुंथिया दुलाराय हादतआवनो बिसायख थिथारि थासरिखौ दुहाय खालामनायबो नुनो मोन्याय जादों। बे बिबुंथियानो जादों कंग्रेस दोलोनि दैदेनगिरि आरो गान्धी नख'रजो खाथि सोमोन्दो थानाय सुबुं सैम पित्रदानि। बिथाडा गवनि मोनसे बिबुंथिनि गेजेरजो भारतआरिफोरखौ बिगुर आरो महखौ नायनाय मोनबै थाखोयाव बोखानानै गोखों फिनजाथयनि मोगा-मोगि जानानायखौ नुनो मोन्याय जादों। सैम पित्रदा मुनि सुबुडा बिबुंथिनि गेजेरजो खोला भारतनि सुबुंफोरखौ आफ्रिकानि, साहानि सुबुंफोरखौ इउरफनि, सोनाबनि सुबुंफोरखौ आरब हादतनि आरो सान्जानि सुबुंफोरखौ चीननि सुबुंफोरखौ रुजुनानै भारतीयफोरखौ इंग्रजफोर बादि बोरोन बोखानानै लाजि फोनानाय आरो दुखु होनायनि गोखों रवजो सोखारिदों। गुबैथै गाहाइ मन्थि आरो बिजेपिआ बिगुरजो बाहागो बोखानानै हादतनि सुबुंफोरखौ लाजि फोनानाय आरो दुखु होनाय जादों होनानै गोखों अजद लाबोनाय बेनि फिन्नाय होनांगी होनानै कंग्रेस दोलोखौ गाग्लोबदों गुबैथै कंग्रेसनि दैदेनगिरि राहुल गान्धीखौ।

कंग्रेस दैदेनगिरिआ भारतआरिफोरखौ बिगुरनि बोरोनजो बोखानाय बिबुंथिया बिसायख थिनि हाथियार महै बाहायजानो हमायाव उनि खुंजानो गोनां खोलोबनि बिसायख थिथाय कंग्रेस दोलोनि थाखाय गोबांथार खहा जाहैनो हागौ होनानै सानाय जादों। मानोना कंग्रेस दैदेनगिरिनि बे बिबुंथिखौ गोलेथै लानो हाथै गाहाइ मन्थिआ कंग्रेस आरो बेनि दैदेनगिरि राहुल गान्धीखौनो थोखौडे गाग्लोबनानै बेनि दायखौ होनो नाजादों आरो बेनि फिन्नाय होनांगीनि नासिन्नायखौबो नुनो मोन्याय जादों। गाहाइ मन्थिआ गवनि सायाव गाग्लोबनाय आरो रायनायखौ जेबो नाजाया होनानै बिथाडा गासै भारतआरिफोरखौ बिगुरनि बोरोनजो बोखानानै गुबुन हादतनि सुबुंफोरखौ रुजुनाया भारतआरिफोरखौ लाजि फोनानाय जादों आरो रायनाय जादों होनानै गवनि दुखु मोन्यायखौ फोरमायदों आरो बे दायनि थाखाय कंग्रेसनि दैदेनगिरि राहुल गान्धीआ फिन्नाय होनांगी होनानै गोखों सुबुंफोरखौ बुडो। गाहाइ मन्थिनि अनायाबो बिजेपिनि गोबां दैदेनगिरि आरो रवजोफोरनो कंग्रेस दैदेनगिरि सैम पित्रदानि बे बिबुंथिया भारतआरिफोरखौ लाजि फोनानाय जादों आरो कंग्रेसआव दासिमबो इंग्रज खुंथाय सोलिदों होनानै सोखारिदों। सावरायनाय बादिथै बिजेपिआ सैम पित्रदानि बे बिबुंथिखौ उनि खुंजानो गोनां खोलोबनि बिसायख थि दावहायाव हाथियार महै बाहायोब्ला कंग्रेसनि थाखाय गोब्राब जेना आरो गोबां खहा जाहैनो हागौ होनानै सानाय सौफेदों राजखान्ति बिजिरगिरिफोर। बेराफसै बिजेपिनि थाखाय सिगांनि सिगांग्रों फिथाय हमादानायनिखुइ आरोबाव सावसिन फिथाय फेनो हागौ होनानै सावरायनाय नुनो मोन्याय जादों। उनि बिसायख थिथाय बेनि जाउन-बिजाउनआ मा महर मोनो बेखौ 4 जुनआवसो नुनो मोन्याय जागोन।

दिनैनि फान्जामुथि

राशि बाइदियै मुनि गिबि हांखो

मेष : अ ल बृष : ऊ ब (उ ए इ) मिथुन : क छ (ड ङ) कर्कट : ड ह सिंह : म ट कन्या : प ट (ण ष) तुला : त र बृश्चक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष:** देहायाव सानाय-सुनाय बेराम सिगांनो हागौ। देहाखौ सांग्राडै लाखि।
- बृष:** जेना थानायफोर जोबसांगोन। गोसोखौ गोजोन मोनो हागोन। मोजां सान।
- मिथुन:** जेरैबो रंजा-बाजा खालामनो हागोन। गोजोने सम बारहोनो हागोन। मोजां सान।
- कर्कट:** गोजाम बेराम सानायफोर दडबा सिखांनो हागौ। देहा सावस्त्रिखौ सांग्राडै लाखिनांगोन।
- सिंह:** जेरावखि जाया देहायाव सानाय-सुनाय सिखांनो हागौ। गोसोखौ शान्ति मोन्याय नड। सांग्राडै था।
- कन्या:** बहाबाफोर दावबायहैनो मोनो हागौ। गोसोखौ गोजोन मोनगोन।
- तुला:** जेखियानो मावा फालांगिरिनि थाखाय मोजां सम। मुलाम्फा आरजिनानै लानो हागोन।
- बृश्चक:** लोगोफोरनि दारै अपमान मोनो हागौ। गोसो हमाथानानै थानाया गाहाम।
- धनु:** जेखियानो जाया बेरामआव गोलेनो हागौ। जेरैबो देहाखौ सांग्राडै लाखिनांगोन।
- मकर:** जेखियानो जाया फोबोनि समव रंजा-बाजा खालामनो हागोन। गोजोनायखौ मोनो हागोन।
- कुम्भ:** मोजां खामानि मावनानै रंजानायखौ मोनो हागोन। फारफेमथिबो मोजां। गोजोन मोनगोन।
- मीन:** फान्नाय-बायनायनि बेलायाव 11:00 रिगानिफ्रायसो रांखावरि मुलाम्फा मोनो हागोन।

सिबिआइआ रासिया-इउक्रेन दावहायाव भारतआरिफोरखौ दैथाइ हरनाय जाथायनि साब्रै दायनिगिरिफोरखौ ग्रेप्टार खालामबाय

गोदान दिल्ली, 8 मे: रासिया-इउक्रेन दावहार ओन्सोलाव भारतआरिफोरखौ दैथाइ हरनाय सुबुंथियारि सिखाव खावनायनि नेटवार्कयाव गोब्राबै लोब्बा गोनां साब्रै सुबुंफोरखौ सिबिआइआ ग्रेप्टार खालामो। रासियानि रैखाथि बिफाननि बिबानगिरिफोर बे केसआव दासिमबो आरोबाव माखासे सुबुंफोरखौ ग्रेप्टार खालामबावनो हागौ होना बुंदों। सिबिआइआ हर गेजेराव मोनसे बिबुंथियाव फोरमायोदि, नाइबिजिरग्रा एजेन्सिआ मंगलबारखालि केरैलानि तिरुअनन्तपुरमनिफ्राय थिसन्नाय सानै सुबुंफोरखौ अरुण आरो येसुदास जुनियर अर्फ प्रियनखौ ग्रेप्टार खालामो



आरो गुबुन सानै दायनिगिरिफोरखौ रासियानि रैखाथि बिफानआव सासे कन्ट्रक ट्रेन्सलेटर निजिल जबि बेन्सम आरो मुम्बाइनि थागिबि एन्थनी माइकेल एलम्भानखौ थानाय

24 एप्रिलाव ग्रेप्टार खालामदोंमोन। आथिखालाव बेंसम आरो एलम्भानआ बिजिरनायनि जिम्मायाव दड। सासे बिबानगिरिआ फोरमायदोंदि, बेंसमआ

रासियानि सान्थियाव भारतआरि नोगोरारिफोरखौ थिसनग्रा रासियाआव सालायग्रा नेटवार्कनि गाहाइ सोद्रोमाफोरनि

सा-करियानि मुंदांखा दैदेनगिरि किम की नामआ 94 बोसोर बैसोआव रुंसारि जाबाय

प्यंयां, 8 मे: सा करियाआव बे समाव दुखुनि साया साग्लोबदों। मानोना हादतनि मुंदांखा दैदेनगिरि किम नामआ थानाय मंगलबारखालि 94 बोसोर बैसोयाव रुंसारि जायो। सा-करियानि मावख 'आरि करियान सेन्ट्रल निउज एजेन्सि (केसिएन) आ हर गेजेराव बे खौरं होयो। एजेन्सिआ फोरमायनाय बायदिब्ला, हादतनि खुंगिरि किम जं उनआ मंगलबारखालि हर गेजेरनि 2:00 रिगायाव राजथावनि प्यंयांआव किम की नामनो बिबार बाउयो। सा करियानि सासे गुण गोनां आरो नख 'रनि सोद्रोमाफोरनि फासै दुखु मोन्याय फोरमायदों। सुलुंनि बायदिब्ला, किम की नामआ बयनिखुइ गोलावसिन समसिम सिबिथाइ होनाय सा करियानि बिबानगिरिफोरनि गेजेराव सासे दैदेनगिरिमोन। बिथाडा हादतनि दैदेनगिरिफोरनि मोन 3 इयुन जोलै फोरनो बिबोरनि राजखान्थियारि आयेन बेरखाथै गोखों खालामनो आरो वंशवादी राइज्योनि थाखाय



फोसावदिनि हाबाफारिखौ दैदेनानै सिबिथाइ होयो। सा करियानि दैदेनगिरि किम जं उनआ हरनि 2:00 रिगायाव इन्टारिम हारिमु थान्दै आफादखौबो दैदेनदोंमोन। खोला करिया सरकारि अन्जिमानि बायदिब्ला, बियो 1985 याव राइज्योखौ गायसन्नाय किम इल सुनि खुंथाइ खुनाय समाव गाहाइ जायो आरो 2017 याव आजिरा लायो। बियो जर 'खायै आथिखालनि दैदेनगिरिनि बिफा किम जं-इलनि खाथि सोमोन्दो गोनांमोन, जाय 2011 याव थैदोंमोन। बियो गवनि जौ लोंगा लोगोफोरनि गेजेराव सासेमोन।

दावबायदोंमोन। बियो थानाय 2009 याव हादतगिरि किम डे. जं थानायनि उनाव मोनसे इन्टारिम हारिमु थान्दै आफादखौबो दैदेनदोंमोन। खोला करिया सरकारि अन्जिमानि बायदिब्ला, बियो 1985 याव राइज्योखौ गायसन्नाय किम इल सुनि खुंथाइ खुनाय समाव गाहाइ जायो आरो 2017 याव आजिरा लायो। बियो जर 'खायै आथिखालनि दैदेनगिरिनि बिफा किम जं-इलनि खाथि सोमोन्दो गोनांमोन, जाय 2011 याव थैदोंमोन। बियो गवनि जौ लोंगा लोगोफोरनि गेजेराव सासेमोन।

निज्जरखौ बुथारनायनि सा 3 भारतआरि दायनिगिरिफोर बिजिसालियाव नुजाथिदों



अटवा, 8 मे: खालिस्तानि उतखारि हरदीप सिं निज्जरखौ बुथारनाय केसआव ग्रेप्टार खालामनाय सा 3 दायनिगिरिफोर गिबि खेब जेलनिफ्राय भिडिय कन्फारेन्सनि गेजेरजो थानाय मंगलबारखालि कानाडानि बिजिसालियाव नुजाथिदों। रोजा-रोजा जायगानि खालिस्तान मदतगिरिफोर बिजिसालियाव बाहागो लादोंमोन।

कुलगामनि इन्काउन्टारआव 10 लाख रं बान्था फोसावजानाय टप कामान्दार बासित डरजो लोगोसे सानै उतखारिखौ जिउ फोजोबनो हाबाय

गोदान दिल्ली, 8 मे : जम्मु-काश्मीरनि कुलगामआव रैखाथि हान्जाफोरजो गुलि गावज्जलायनायाव सा 2 उतखारिफोरनि जिउ फोजोबनो हायो। थैनायनि गेजेराव लश्करनि टप कामान्दार बासित डारआबो दंफायो होना खौरं मोन्दों। मख 'जाथावदि, बावैसो सिगां पुन्डआव अखांमा सान्थिनि मोनसे हान्जाखौ उतखारिफोर गाग्लोबदोंमोन, जेराव सासे जवानआ मुखुं जादोंमोन। कुलगामनि रेदवानी याथिन ओन्सोलाव रैखाथि हान्जाफोर उतखारिफोरनि हँथायै अपारेशन जागायदोंमोन। बेयाव उतखारि थाखोमाफेनायनि खौरं मोनानै रैखाथि हान्जाया बै गासै ओन्सोलाखौ बेदिना अपारेशन जागायदोंमोन। सुलुंनि बायदिब्ला बे अपारेशनआव सानै उतखारिफोरखौ गावथारनो हायो, जेराव सासेया टिआरएफनि टप कामान्दार बासित डारमोन। बिनि सायाव 10 लाख रं बान्था फोसावनाय दंमोन आरो बियो A++ थाखोनि उतखारिमोन। रैखाथि हान्जाया 7 मेखालिनि मोनायाव रेडवानी कुलगाम ओन्सोलाव उतखारि बेरेखा अपारेशनखौ जागायदोंमोन। नाथाय हर ससेयाव दोन्थ 'नानै अखानायै फुंआव फिन अपारेशनखौ



जागायो आरो सानै उतखारिखौ जिउ फोजोबनो हायो। रैखाथि हान्जानि गोजो बिबानगिरिफोर मिबथिहोदोंदि, थैनाय उतखारिया टिआरएफ कामान्दार बासित आहमेद डारआ सोर्गोआरि राशिदिनि फिसाज्ला आरो रेडवानी पाइनि थागिबिमोन। बियो केमह कुलगाम 25/04/2021 निफ्रायनो आफादआव सांग्राडै दंमोन। रैखाथि हान्जाफोरनि सायाव गोबां उतखारि गाग्लोबनाय आरो नोगोरारिफोरखौ बुथारनाय केसफोरारबो बियो दंफायोमोन।

गेजेराव सासेमोन। बिबुंथिनि बाइदिब्ला, एन्थ 'नी माइकेलआ दुबाइयाव गावसोरनि लोगो दायनिगिरि फेसल बाबा आरो रासियाआव थानाय गुबुन सुबुंफोरनि चेन्नाइयाव भिजानि हाबाफारिखौ खालामनाय आरो भुगिनांग्रफोरखौ रासियाआव थानाय उरां जाहाजनि टिकेट बुक खालामनायाव मदत खालामगासिनो दडमोन। सिबिआइआ ट्रेभल एजेन्टनि मोनसे गिदिर हान्जाखौ सोराडाव लाबोदोंमोन, जायफोरा भारतआरि लाइमोनफोरनो रासियाआव

आमेरिकानि बई उरां जाहाजआव टेक्निकेल जेना सोमजिनानै गोखै बागलायनादों



प्लरिडा, 8 मे: आमेरिकानि स्पेश मिशनखौ आरो खेबसेवाव बिसोरनि बई उरां जाहाजयाव गात्रि जानायनि जाहोनाव फासयनादों। खौरनि बायदिब्ला, बईनि गंसे रकेटयाव वाल्भजो सोमोन्दो गोनां जेना जानायनि जाहोनाव बिनि गिबि अखांमा दावबायारिफोरनि बिरनायखौ फे गौ सप्ताहनि जोबानायसिमनि थाखाय आथिखालाव होबथाना लाखियो। बेजों आमेरिकानि मिशनआ बागदावखानाडो। इनाइटेड लन्व एलायन्सनि एटलस-5 रकेटनि गोजौ खोलोबाव मोनसे आक्सिजेनि नारसिन्थायाव रेहाय गोनां वाल्भआ माखासे खेब खुला आरो बन्द जायो, जायजो गोखैयै सोदोब सोमजियो आरो समबार हराव अखांमा यानखौ होबथानाय जायो।

बेजों बिगियानगिरिफोरनि गेजेराव गोसो बाइनाय सोमजियो। बेनि सिगांनो माखासे खेब बईनि स्पेश मिशनआ फेलें जाखांबाय। गोबां खेब मोनसे

नडा मोनसे टेक्निकेल जेना जानायनि जाहोनाव गोबां बईनि बिरनायखौ होबथानाबाय थायो। सुलुनि बाइदिब्ला, कम्पानिनि दैदेनगिरिफोर मंगलबारखालि मिबथिनो मोनोदि, वाल्भआ गवनि थि सिमनानि बाइजोआव ओंखार लादों आरो बेखौ बोखारनांगोन। बेनि उनावसो मिसनखौ जागायफिन्नायनि थांखिखौ थियारि खालामनाय जागोन। बे जेनाखौ हमनो हानायनि उनाव बे हाबाफारिखौ 17 मेनि सिगां खालामनाय जानाय नलिया होना थि खालामो। मख 'नो गोनांदि, हारिमायारि अखांमा स्टेसननि थाखाय रावना होनो गोनां स्टारलाइनार के प्लुलखौ आन्जाद नायनो बिरनायनि थाखाय नेशनेल एर नटिक्स एन्ड स्पेश एडमिनिस्ट्रेशन (नासा) नि अखांमा दावबायारिफोर बुच विल्मर आरो भारतारि फोलेरनि सुनीता विलियाम्सखौ सायख 'यो आरो बिसोर केप

डिप्टरम (कन्ये), रक्षिया सा-सान्जा हिमना देल्वे
"फिनित्तुयै प्राकफोरनिम सिबियाव"

फोजोखानाय आरो लुफामफिन्नायनि खामानि
डिप्टरम (कन्ये), आथिपुन्डक जेन सा-सान्जा हिमना देल्वे
"फिनित्तुयै प्राकफोरनिम सिबियाव"

AFFIDAVIT

I, JALESWAR NARZARY, aged about 49 years, S/O-Late Birendra Narzary, a resident of village- Bashbari, P.O. Silgara, P.S. & Dist.-Kokrajhar, BTR (Assam), do hereby solemnly affirm and declare as follows:

- That, I am a bona-fide citizen of India by birth and resident of the above noted address.
- That, I am serving in Assam Rifle.
- That, in the service record of my job, in FSD, the Spelling of my name is recorded as 'JALESHWAR NARZARY' instead of 'JALESWAR NARZARY' and my wife name is recorded as 'SONIMA NARZARY' instead of SANIMA NARZARY, in the same my daughter's name is also recorded as 'MONISHA NARZARY' instead of 'MANISHA NARZARY'.
- That, all of my, my spouse and my daughter's correct spelling of names are recorded in our respective Aadhaar Card, vide No. 8355 1460 6569 (Self), No. 6604 3714 4939 (spouse) and No. 4437 2716 2302.
- That, I further declare that my mother's date of birth also recorded asinstead of 13-08-1939, which her correct date of birth is recorded in her Aadhaar card vide No. 8283 8381 4679.
- That, the names 'JALESWAR NARZARY' and 'JALESHWAR NARZARY' is the same on the identical person who is myself. SANIMA NARZARY and SONIMA NARZARY is the same one identical person who is none other than my wife. Further the name MANISHA NARZARY and MONISHA NARZARY is the same one identical person who is none other than my daughter.
- That, this declaration is made by me to ascertain that facts as stated above and to submit FSD record and for doing needful act accordingly.

The above statements are true to the best of my knowledge and belief.

इनहेरिटेन्स टेक्स लागायोब्ला भारतनि रांखान्थि राहाया थाद'गोनः रांखान्थिगिरि गौतम सेन

गोदान दिल्ली, 8 मे : आथिखालाव लक सभा बिसायख'थि 2024 आ सोलिगासिनो दड। बे समावोनो इनहेरिटेन्स टेक्स एबा सम्पतिखौ रान्नाय टेक्सखौ लानानै राजखान्थियारि दोहौ सोमजिखानाय नुनो मोन्दौ। गहाइ मन्थि मदिदा बिसायख'थि रेलिफोरव इनहेरिटेन्स टेक्सखौ रायखानानै कंग्रेस आरो राहुल गान्धीनि सायाव बाश्चाजौ गग्लोबगासिनो। बिजेपिया दाय जाबसिन्दौदि, कंग्रेसआ हादतनि खुं थायाव फे योब्ला हादतयारिफोरनि खावसे सम्पतिखौ सरकार दखल खालामना लागोन। मख'जाथावदि, कंग्रेस सनि



फोसावदि बिलाइयाव माहारियारि थाखोनि रांखान्थियारि आरो हारियारि नायसनाय एबा सार्भे खालामनायनि बाश्चा बुनाय दड। बे सार्भेनिफ्राय मिबथिनो मोन्नाय खौरांखौ बिथा खालामनानै थांखि आजावगोन होन्नाबो कंग्रेसआ बुंदौ। बिनि

गेजेराव रांखान्थिगिरि गौतम सेनआ खौरां बिजेजौं सावरायनाय समाव बुंदौदि, सम्पतिखौ बोखावनायनि यजनाया भारतआव खामानि होनाय नड। हादतनि 12 कौटिनि सुबुंफोरनावल' 102 कौटिनि बांसिन सम्पति दड। नाथाय बिसोरनि गेजेराव बांसिनानो

गावनि फालांगिफोरव बेखौ इन्भेस्ट खालामदौं। फारसेथि सम्पति बोखावनायनि जाहोनाव हादतनि 98 निफ्राय लानानै 99 जौखोन्दो सुबुंफोरनि जिउआव गाजि गोहोम गोरलैगोन। सिगां फारसे रांखान्थिगिरि गौतम सेनआ बुंवावोदि, हादतआव जाय सुबुंफोर गला सालायो, फिसा फिसा फालांगि खालामो, बिसोरनि सम्पतिखौ जुदि बोखावनाय जायो अब्ला हादतनि रांखान्थि बेब'स्थाया थाद'गोन। हादतनि सम्पतिखौ बोखावनाय मोनफ्रोम 2 बोसोराव खेबसे सारभे खालामनांगोन। थांनाय 10

बोसोराव गुबै नोजोरै सम्पतिखौ बोखावनाय नुनो हागौ, जेराव हादतआव लामाफोरखौ लुनाय जादौं, सुबुंफोरनि न'बानायनाय जादौं आरो फाइखाना बानायनाय जादौं। सरकार सावस्त्रि बिथिडव रांफोरखौ खरसा खालामदौं आरो गेसखौ साब्सिड होदौं। मख'जाथावदि, कंग्रेसआ लान्थियै बुंबोबाय थादौंदि, गावसोरनि पार्टीनि फोसावदि बिलाइयाव सम्पतिखौ बोखावनायनि जेबो बाश्चा गैया। अदेबानि फोसावदि बिलाइयाव रांखान्थि आरो हारियारि सार्भे खालामनायनि बाश्चा बुनाय दड, जायखौ बिजेपिया सेलेन्सनि आयदा होन्ना बुंदौं।

केरेला सरकार राइज्योआव वेस्ट नाइल फिभारनि एलार्ट फोसावदौं



कङ्किड, 8 मे : केरेलायाव वेस्ट नाइल फिभारनि बेंखनआव सुबुंफोर बांसिनै गग्लोबोनो हमदौं। राइज्योनि दर 3 जिल्लाफोरव बे फिभार गोसारनायखौ नोजोर होनानै केरेला सावस्त्रि बिफानआ एलार्ट फोसावो। मलपुस्रम, कङ्किड आरो त्रिपुरा जिल्लाफोरव बे फिभार गोसारनायनि खौरां मोन्नाय जादौं। थांनाय सप्ताहयाव जानाय सावस्त्रि बिफाननि गोजौ थाखोयारि जथुमायाव राइज्योनि सावस्त्रि मन्थिया दैन्तां बोथोरनि सिगां साखोन-सिखोन हाबाफारिफोरखौ गोखौ खालामनायनि बिथोन होदौंमोन। जिल्ला फाहामथाइ बिबानगिरिफोरनो हाबाफारिखौ गोखौ खालामनायनि बिथोन होदौं, जिल्ला खुंथाइ आरो जायगानि सेमि-गभर्नमेन्ट फसंथानफोरजौं समान्थि हाबाफारिफोरखौ सालायनोबो बिथोन होनाय जादौं। जिल्ला भेक्टर कन्ट्रल फसंथानआ गुबुन-गुबुन बाहागोफोरनिफ्राय सेम्पोल बुधुमनाय जादौं आरो आन्जादिनि थाखाय दैथाइहसनाय

जायो। बेनि अनगायै मोदोम दुंखावनाय लोमजानायखौ लाना सुबुंफोरखौ सांग्रां खालामनोबो बिथोन होनाय जादौं। बे आयदायाव राइज्यो मन्थिया खावलायदौंदि, लोमजानाय एबा गुबुन लोक्षोन नुजाथिनाय जायखि जाया सुबुंखौ थाबै नो फाहामथाइ होनो खावलायदौं। वेस्ट नाइल भाइरासआ थाम्फेजौं सन्देस्या बेराम, जाय इन्फेक्सन थाम्फे फोरा अरनायनि जाहोनाव गोसारो। बेयो गुबुन गुबुन फोलेरनि थाम्फेजौं गोसारया बेराम, जायखौ गिबि फोलेर हिसाबै वयुलेक्स पिपियान्स महरै मिबथिनाय जायो। वेस्ट नाइल भाइरासआ माखासे सानफोरनिफ्रायनो

गोबां सप्ताहसिम सुबुंनि देहायाव थानो हागौ। बे भाइरासजौं इन्फेक्सनजौं इन्फेक्सन जानाय 80 जौखोन्दो सुबुंफोरनाव जेबो लोक्षोन नुनो मोना। बेयावनि माखासेयाव फ्तु बायदि लोक्षोन नुनो मोनो आरो गोबां खम केसआव अरायथा महरै न्युर लजिकेल डेमेजबो जानो हागौ। बुधवारखालि खौरां मोन्दौंदि, कङ्किड आरो मलपुस्रम जिल्लाफोरव वेस्ट नाइल भाइरास इन्फेक्सननि थाम्फे फोरा अरनायनि जाहोनाव गोसारो। बेयो गुबुन गुबुन फोलेरनि थाम्फेजौं गोसारया बेराम, जायखौ गिबि फोलेर हिसाबै वयुलेक्स पिपियान्स महरै मिबथिनाय जायो। वेस्ट नाइल भाइरासआ माखासे सानफोरनिफ्रायनो

भारतआव धोनिफोरा धोनिंसिन जाबोनायनि सायाव मोनसे रिपर्ट सोराडव फैदौं

गोदान दिल्ली, 8 मे : भारतआव धोनिफोरा धोनिंसिन मानो जालांगासिनो दड? फारसेथि निखावरिफोरनि जिउआव गिदिर सोलायनाय फैनायखौ नुनो मोनाखै। बेनि आन्दोआव मा जाहोन दड? बिनि फिन्नायखौ जोडो मोनो हाबाय। सुइस ब्रकरेज फर्म इडबिएस इन्डियाआ मंगलबाराव बुंदौदि, भारतनि कनज्युमशन सनेरियआव क्रिकिकेल डिभिजन दडआरो बेनि के-सेपनि बांबोनाया फैनो गोनां समावबो जेना गोनाडै थानायनि आसा दड। के-सेप गोनां मुगायाव समाजनि मोनसे हान्जाया धोनि जालाडो आरो गहाइ थाखोयाव थानाय हान्जाया बै




जौगाखानायनिफ्राय मुलाम्फाखौ मोन्नो हाया जायो। बिनिखायनो हादतनि धोनि सुबुंफोरनि सम्पतिया बांलांबाय थायो। बेरफारसेथि खम आय गोनां थाखोया बेनि मुलाम्फाखौ मोन्नो हाया। इडबिएस इन्डियानि रांखान्थिगिरि तान्बि गुप्ता जैनआ मोनसे रिपर्टआव बुंदौदि, भारतनि कन्जुमार स्टरिया मोनसे मख'जाथाव

बोखावजानायखौ दिन्थियो, जाय मोनसे सुस्तजायो रांखान्थि बेब'स्थाजौं सोलियो। नाथाय खरसा खालामनायनि आदोबफोरव गोबां हेंथाफोर दड। बिथाडा बुंवावोदि, गासैबो गोनांथि आरो जेनाखौ बिथा खालामनाय नख'रारि नांगौ जानायनि गेजेराव फाराग सोमजिना दड। बेजौं आयआ समानथि गैयै, बाहायनायनि दाहारसिम सौहेनायाव बांदौं आरो

नख'रारि दोन्थुमनायाव दावखलायनाय बायदि नुथाइफोरखौ सोमजिखोहोयो। ब्रकरेज फर्मनि हमदानाय बायदिब्ला रांखान्थि बोसोर 2024-25 आव नख'रफोरनि आंखाल बांनाया 4-5 जौखोन्दो हारजौं लासैयै जागोन। बेयो थांनाय बोसोरफोराव नुनो मोन्नायनिखुइ खमसिन। कभिड-19 इन्फेक्सननि उनाव

हादतआव समान्थि गैयैनि हाखरआ अरबोनायखौ लानानै जर'खागिरिया के-सेपनि साबसंनानाय जिगा सिनाय फोरमायदौं। अदेबानि खायसे रांखान्थिगिरिफोरा बेखौ गनायथियाखै आरो बिथोमोनाहा समान्थि गैयैखौ खम खालामनो थाखाय इन्फेक्सनखौ दायनिगिरि खालामदौं। इडबिएसनि रिपर्ट बायदिब्ला भारतआव नख'रफोरनि आंखालआ थांनाय 10 बोसोराव 2 गुण जानानै 2023 आव बोसोरारि बिथा खालामनायाव 7.2 जौखोन्दो बांना 2.1 लाख कौटि डलार जाहैदौं। अदेबानि थांनाय 2 बोसोराव नख'रफोरनि आंखाल जानाया गोखैयै बांसिन्दौं। ब्रकरेज फर्मआ बाहायनायनि बांनायाव सोरजिथाइखौ समान नडै होन्ना बुंवावोदि, प्रिमियाम कारफोर, 1 कौटि रानि बांसिन बेसेननि न', 25,000 रानि बांसिन बेसेननि स्मार्टफन फान्नाया गोखैयै बांदौं। बिनि उल्थायै एन्ट्रि लेभेल आरो गिदिर बाजारनि दिहुन्थाइफोरखौ फान्नाय गोखैयैथिया इन्फेक्सननि उनाव लासै जानो हमदौं।

केरेलायाव रेलजौं सौरख्खायजानानै मासे मैदेर थिदौं



पलक्कड, 8 मे : कान्जिकडनि खाथियाव ट्रेनिन अलखदआव गोर्लैनायजौं मैदेर बुन्दि थैनायनि केसआव केरेलानि हाग्रा बिफानआ त्रिभेन्द्रम मेलनि लक पायलटनि सायाव केस थिसनो। कान्जिकडनि खाथियाव थांनाय समबारखालि हर गेजेराव

चेन्नाइ थांवाय थानाय त्रिभेन्द्रम मेलनि अलखदआव गोर्लैनायजौं मैदेर बुन्दिआ थैदौंमोन। जिल्लायाव दानसेनि गेजेराव जानाय बेबायदि जाथाइनि बेयो नैथि जाथाइ। बे जाथाइनि सोमोन्दै केरेलानि हाग्रा बिफाननि मन्थि एके सशीन्द्रनआ थांनाय

मंगलबारखालि बुडोदि, नेम-खान्थि बाइदियै नाइबिजिनानयनिफ्राय मिबथिनो मोनोदि, ट्रेनिन गोखैथिया थिखानाय समनिफ्राय बांसिनमोन। लक पायलटनि हेंथायै हाग्रा नि जिब-जुनात नेम-खान्थिनि गेजेरजौं केस थिसनबाय। बिबानगिरिफोरनि बाइदिब्ला, नाइबिजिनानयनिफ्राय इसारा मोनोदि, ट्रेनिन अलखदआव गोर्लैनायनि उनाव मैदेर बुन्दिआ जोखोम जायो। जाथाइ जानायनि 30 मिनट उनाव बेयो जिउ गोमायो। बेनि सिगां 13 एप्रिलाव पलक्कड जिल्लायाव ट्रेनजौं सौग्रावनानै मासे मैदेर बुन्दि थैदौंमोन।

हातु बोखानाय आरो खह जानाय बाहागोखौ फोसावनायनि खामानि
इ-टेन्डर फोसावथाव नं: 43/डब्लिउ-2/एचिडिजे अक्ट: 04-05-2024। गहायाव फोसावनाय खामानिनि थाखाय मुसागरिआ इ-टेन्डर हांखायदौं। टेन्डर नं: 11-एचि-2-2024। खामानि मुं: डील-कक्राझार आरो फकिरायम जेवन-धुयुरिआव, डील-कक्राझार सिखव गं 05 गहाइ दाला एबा: 305/835, 298/429, 296/427, 292/420 आरो 282/407 आरो फकिरायम जेवन-धुयुरिआव सिखव गं 4 मेजर/मादरन दाला एबा 2,3,4,4ए, 5, 5ए, 6,7,8,14,20,26,29,33,35 आरो 37 नि हातु बोखानाय आरो खहा जानाय बाहागोखौ फोसावनायनि खामानि। टेन्डरनि बेसेन: 9,31,09,730.35 वं। अंतिम नं: 5,15,600/- वं। इ-टेन्डर बन्द जानायनि अक्ट' आरो सम: 29-05-2024 अक्ट'नि 13:00 रिमा आरो बेखेवजागोन 29-05-2024 अक्ट'नि 15:00 रिमाया। गोजीयाव फोसावनाय इ-टेन्डरनि टेन्डर लाइजौं लोगोसे आवु मिथियायखौ वेबसाइट <http://www.ireps.gov.in> आव मोनो हागोन।
डिआरएम (वर्कन), आनिपुदवार जंशान सा-सास्त्रा सिमना देलवे
"मिनिसुवै ग्राहकफोरनिम सिबिथाय"

गहाइ आरपिएसएफ बिबानगिरिनि बेरेक/मैसनि लुफामफिनाय
इ-टेन्डर फोसावथाव नं: 40/डब्लिउ-2/एचिडिजे अक्ट: 03-05-2024। गहायाव फोसावनाय खामानिनि थाखाय मुसागरिआ इ-टेन्डर हांखायदौं। टेन्डर नं: 22-एचि-1-2024। खामानि मुं: निउ कविहारआव-गहाइ आरपिएसएफ बिबानगिरिनि बेरेक/मैसनि लुफामफिनाय। टेन्डरनि बेसेन: 1,24,34,856.84 वं। अंतिम नं: 2,12,200/- वं। इ-टेन्डर बन्द जानाय अक्ट' आरो सम: 28-05-2024 अक्ट'नि 13:00 रिमायाव आरो बेखेवजागोन 28-05-2024 अक्ट'नि 15:00 रिमाया। गोजीयाव फोसावनाय इ-टेन्डरनि टेन्डर लाइजौं लोगोसे आवु मिथियायखौ वेबसाइट <http://www.ireps.gov.in> आव मोनो हागोन।
डिआरएम (वर्कन), आनिपुदवार जंशान सा-सास्त्रा सिमना देलवे
"मिनिसुवै ग्राहकफोरनिम सिबिथाय"

आनिपुदवार जंशान इन्डिनियाटिनि स्वामनि
इ-टेन्डर फोसावथाव नं: 48/डब्लिउ-2/एचिडिजे अक्ट: 04-05-2024। गहायाव फोसावनाय खामानिनि थाखाय मुसागरिआ इ-टेन्डर हांखायदौं। टेन्डर नं: 25-एचि-1-2024। खामानि मुं: शुपुर्णखिब खेबेवजागोन ल'डै, अन्धर थि आरो मोनो सानबोनो मोनो के लानो हाया उन्न मुड्डि लाहनि रातो खालामनाय। टेन्डरनि बेसेन: 6,47,89,735.25 वं। अंतिम नं: 4,74,000/- वं। टेन्डर बन्द जानायनि अक्ट' आरो सम: 29-05-2024 अक्ट'नि 13:00 रिमा आरो बेखेवजागोन 29-05-2024 अक्ट'नि 15:00 रिमाया। गोजीयाव फोसावनाय इ-टेन्डरनि टेन्डर लाइजौं लोगोसे आवु मिथियायखौ वेबसाइट <http://www.ireps.gov.in> आव मोनो हागोन।
डिआरएम (वर्कन), आनिपुदवार जंशान सा-सास्त्रा सिमना देलवे
"मिनिसुवै ग्राहकफोरनिम सिबिथाय"

मोन 20 इडिनिट रेलवे क्वार्टरफोरखौ गोदान क्वार्टरजौं सोलायनाय
इ-टेन्डर फोसावथाव नं: 47/डब्लिउ-2/एचिडिजे अक्ट: 03-05-2024। गहायाव फोसावनाय खामानिनि थाखाय मुसागरिआ इ-टेन्डर हांखायदौं। टेन्डर नं: 24-एचि-1-2024। खामानि मुं: एचिडिजे/खाना-आनिपुदवार जंशानि बेखेव जाव कक्कागिरि (8 इडिनिट), शम्पुनाय न'स (8 इडिनिट) आरो नड (4 इडिनिट) आव मोनो जाना आरो उन्न जाव मोन 20 इडिनिट रेलवे क्वार्टरफोरखौ सोलायनाय। (दिथ) क्वार्टरजौं बेखेवजागोन। टेन्डरनि बेसेन: 2,02,86,797.75 वं। अंतिम नं: 2,51,400 वं। इ-टेन्डर बन्द जानायनि अक्ट' आरो सम: 28-05-2024 अक्ट'नि 13:00 रिमा आरो बेखेवजागोन 28-05-2024 अक्ट'नि 15:00 रिमाया। गोजीयाव फोसावनाय इ-टेन्डरनि टेन्डर लाइजौं लोगोसे आवु मिथियायखौ वेबसाइट <http://www.ireps.gov.in> आव मोनो हागोन।
डिआरएम (वर्कन), आनिपुदवार जंशान सा-सास्त्रा सिमना देलवे
"मिनिसुवै ग्राहकफोरनिम सिबिथाय"

फार्मा कम्पनी एस्ट्राजेनेकाआ गावसोरनि कभिड-19 भेक्सिननि बायनाय-फान्नायखौ होबथानो थांखि लादौं



लन्दन, 8 मे : ब्रिटेननि फार्मा कम्पनी एस्ट्राजेनेकाआ मुलुगानाडै गावनि कभिड-19 भेक्सिननि बायनाय-फान्नायखौ होबथानो थांखि लादौं। बेयाव भारतयाव बानायनाय कभिडशील्ड भेक्सिनआबो दड। माखासे सानफोर सिगांसो बे फार्मास्युटिकल कम्पनीआ मोनसे कर्त्याव भेक्सिननि गिखंथाव साइड इफेक्टसनि बाश्चाखौ गानाय लादौंमोन। सुलुडाव फोरमायनाय बायदिब्ला, एस्ट्राजेनेका भेक्सिनखौ भारतआव

कभिडशील्ड मुंजौं बाहायनाय जादौंमोन। आथिखालाव कम्पनीआ भेक्सिनखौ बाजारनिफ्राय बोखारनायनि माखासे जाहोनफोरखौ फोरमायदौं। भेक्सिनखौ बाजारनिफ्राय लाबोफिनो थाखाय 6 मार्चयाव आरज गाबदौंमोन, जाय 7 मेसिम गोहोम गोरलैयो। एस्ट्राजेनेकाआ 2020 याव अक्सफर्ड इडनिभासिटिजौं लोगोसे गोरोबलायनानै करना भेक्सिन बानायदौंमोन। बेनि फर्मुलाखौ बाहायनानै सिराम इन्स्ट्रुइडआ भारतआव कभिडशील्ड मुंजौं

भेक्सिन बानायो। एस्ट्राजेनेकाआ थांनाय मंगलबारखालि बेनि सोमोन्दै बुंदौंमोनदि, बाजारवा गोनांथि जानायनिखुइ बांसिन बिबानि भेक्सिन ओं खारबाय। बेनिखायनो कम्पनीआ बाजारनिफ्राय गासै टिकाखौ बोखाना लाफिनो थांखि लाबाय। मख'नो गोनादि, माखासे सानफोर सिगां कम्पनीआ बे बाश्चाखौबो गनायना लादौंमोनदि, भेक्सिननि माखासे साइड इफेक्टबो दड। जेरै भेक्सिननि जाहोनाव थै लाथा खानाय आरो ब्लाड प्लेटलेटसनि अनजिमायाव दावखलायनाय। सुलुनि बायदिब्ला, सावस्त्रियारि आरो नख'र जौगाखां बिफाननि बायदिब्ला, भारतआव दासिमाव 220 कौटिनिखुइ बांसिन ड्रप होखांबाय।

हाइद्राबादयाव गोबां अखा आरो बारहुंखा वारनायजौं सा 7 सुबुंफोरनि जिउ खहा

हाइद्राबाद, 8 मे : हाइद्राबादयाव थांनाय मंगलबार बेलासियाव अखा आरो बारहुंखानि जाहोनाव मोब्लिब जगायना होनायाव जेना सोमजियो। अखा आरो बार बारनायनि जाहोनाव माखासे जायगाफोरनि लामाफोरव दै लोमसावयो आरो बिफांफोरबो खहा जायो। बेनि गेजेरजौं बुधवारखालि बाचुपल्ली ओन्सोलाव गोबां अखा हानायनि जाहोनाव मोनसे बानायबाय थानाय एपार्टमेन्टनि अवालआ गोरलैयो। बे जात्रबथायाव 4 बोसोरनि गथ'साजौं लोगोसे सा 7 सुबुंफोरनि जिउ गोमायो। बे जाथाया थांनाय मंगलबार बेलासिन आरो थैनायफोर गुबुन राइज्योयारि लेभारफोरमोन, जायफोरा उरिष्या आरो



घलीसगढ़नि थागिबिमोन। बचुपल्ली पुलिसनि बाइदिब्ला, बिसोरनि गोथै सहखौ बुधवार फुडव सासे मदत होग्रा मावसुमानि मदतजौं बाइखोन्दा थुखानिफ्राय बोखानो हायो। फार्सेथि बिसायख'थिखौ गहामै खुंफुनो थाखाय 1.03 लाख भलन्टियार आरो ट्रेन्सलेटर थिसन्याय जादौं। बि सा य ख 'थि या व सि ए पिए फ नि 46 कम्पनीफोर आरो दिल्ली पुलिसनि 78,570 ज वान फोर खौ बो बि सा य ख 'थि नि हाबाफारियाव थिसन्दौं।

थांनाय मंगलबारखालि हाइद्राबाद आरो तेलंगानानि माखासे बाहागोफोरव गोबां अखा हायो, जायजौं माखासे बाहागोफोरव जिब-जुनातफोरा गोबां खहा जायो। ग्रेटार हाइद्राबाद मिउनिंसिपाल बर्डनि बिबानगिरिफोरा बुडोदि, डिआरएफनि टीमफोरखौ थिसन्याय जायो आरो शहराव गुबुन-गुबुन जायगाफोरव दै जमा जानाय आरो गुलुनाय बिफांफोरखौ बोखांगिसिनो दड। गहाइ नेहाथारि दानकिशरआ जिएएसएमसि कमिसनार रनाल्ड रजजौं लोगोसे शहरनि गुबुन-गुबुन दै लोमसावनाय ओन्सोलाफोरव दावबायो आरो हा सा बाहागोयाव डिआरएफ

टीमफोरखौ बिथोन होयो। तेलंगाना राइज्यो जौगाखां बिथोखि ससायटिनि बाइदिब्ला, ग्रेटार हाइद्राबाद मिउनिंसिपाल बर्ड (जिएएसएमसि) नि गहाइ मावख'याव थांनाय मंगलबार फुनि 8:30 रिगानिफ्राय बेलासिनि 6:00 रिगानि गेजेराव बयनिखुइ बांसिनै 84.5 मि:मि नि अखा हायो। गिबि मन्थि एरेबन्ट रेडुआ वारंगलयाव बे थासारिखौ नाइबिजिदौं। सुलुनि बाइदिब्ला, बेयाव बियो लकसभा बिसायख'थिनि थाखाय फोसावगासिनो दडमोन। बे समाव बिथाडा बिबानगिरिफोरखौ लामाफोरव दै लोमसावनाय आरो मोब्लिब होनायखौ जागायफिनो थाखाय थांखि लानो थाखाय बिथोन होयो।

दिल्लीनि मोन 7 बियाबआव बिसायख'थिआ 25 मेआव जागोन

गोदान दिल्ली, 8 मे : लकसभा बिसायख'थि 2024 नि गेजेरजौं थामथि खोलोबनि बिसायख'थिआ 7 मेयाव जोबनानै थाडो। बेनि उनाव 4थि खोलोबनि बिसायख'थिया जानो दंबावो। हादतनि राजथावनि दिल्लीआव गासै मोन 7 लकसभा बियाब दड, जेराव जयैनो 25 मेखालि 6




खोलोबनि बिसायख'थिआव भट, होनाय जागोन।

म ख 'जा था व दि , बिसायख'थि आयगनिफ्राय

बोथोरखौ लानानै बोथोर बिफाना रेड, अरेन्ज आरो येल' एलार्ट होनायनि मिबथिनो गोनां बाथ्रा

आर्थिखालाव हादतनाडे गोखौं गरमनि थासारि सोलिदों। बेखौं लानानै बोथोर बिफाना सांग्राडे नोजोर होदों आरो सम सम सुबुंफोरनो बोथोरनि आपडेट होना एलार्टबो फोसावदों। बोथोर बिफाना बोथोरखौं हमदानानै माब्लाबा रेड, अरेन्ज आरो येल' एलार्टबो फोसावो। बेफोरखौं नायनानै जोडे बोथोरनि बागै हमदाना लानो हायो। नाथाय बोथोरखौं लानानै बेबायदि एलार्ट फोसावनायनि गुबै ऑथिया मा गोबां सुबुंफोरानो मिबथिया। बोथोरनि बागै गुबुन गुबुन एलार्ट फोसावनायनि बागै गुवारै गाहायाव मिबथिहोनाय जाबाय।



1 रेड एलार्ट: बोथोर बिफाना जेब्ला बोथोरनि सायाव रेड एलार्ट फोसावो अब्ला बोथोर खैफोद गोनां जानायखौं फोरमायो। जाय समाव बोथोरनि बिदुंआ गोबांथार आरो दुंहाव बारहावावि गोहोम साग्लोबो, जायजों सुबुंफोरनि जिउ एबा गुबुन रोखोमनि ख'हा जाथावनानि सन्देह' थायो अब्ला रेड एलार्ट फोसावनाय जायो। बेनि अनगायै बोथोरा जोबोद गात्रि जायोब्ला एबा बिदुंआ सिगांनि रिपर्टफोरखौं सिमफायनानै मोनसे गोदान बिन्दुआव सौहैयोब्लाबो रेड एलार्ट फोसावनाय जायो। थौंजोडे बुडेब्ला रेड एलार्टआ गात्रि बोथोरखौं दिन्थियो।

गोबांथार बिदुंनि बेखनआव फेनाय ओन्सोलफोरखौं सांग्राडे थानो सांग्रांथि होनाय आरो बेखौं लानानै खुंथाइनिफ्राय गोनांथार थांखि आजावनायनि थाखायबो रेड एलार्टखौं फोसावनाय जायो। 2. अरेन्ज एलार्ट: बे एलार्टखौं बोथोर बिफाना बै समाव फोसावो जेब्ला सुबुंफोरान न'निफ्राय बायजोआव ओंखारनाय समाव सांग्रांथि लाखिनायनि गोनांथि जायो। बेनि ऑथिया जादोंदि, बि प्रेफियार थामहिनबा सांग्रां जानानै थानाय, फेनो गोनां सानफोरव जाथावना गोखौं बिदुं एबा दुंहाव बारगोनखौं लानानै सुबुंफोरखौं सिगांडावनो अरेन्ज एलार्टनि गेजेरजों सांग्रां थानो

मिबथिहोहरनाय जायो। बे एलार्टनि गेजेरजों सुबुंफोरखौं गोनांथार जायोब्लासो न'निफ्राय बायजोआव ओंखारनो बोसोन होनाय जायो। फारसेथिं बे समाव सावस्त्रिखौं लानानैबो जर'खा सांग्रांथि लाखिनांगौनिबो गोनांथि जायो। 3. येल' एलार्ट: बोथोर बिफाननिफ्राय बोथोरखौं नोजोर होना येल' एलार्ट फोसावनायनि थांखियानो जादों सुबुंफोरखौं सांग्रां खालामहरनाय। बिफाननिफ्राय फोसावनाय बे एलार्टखौं सांग्रांथिनि नोजोरै नायनाय जायो। बेयाव फेनो गोनां सानफोरनि थाखाय एबा जाथावना खैफोदनि थाखाय सुबुंफोरखौं सिगांनिफ्रायनो सांग्रां

एबा थियारियै थानो बोसोन होनाय जायो। 4. ग्रिन एलार्ट: बोथोर बिफाननिफ्राय बोथोरखौं लानानै रेड, अरेन्ज आरो येल' एलार्टनि अनगायैबो ग्रिन एलार्ट फोसावनाय जायो। बेनि गेजेरजों बै थासारिखौं मिबथिहोनाय जायो जेब्ला थासारिया सरसन्ना जानानै फेयो आरो जायखिजाया रोखोमनि खैफोद जाथावना सन्देह' थाया। ग्रिन एलार्ट फोसावोब्ला सुबुंफोरानो गोजोननि हां बोनो हायो एबा रेहाय मोननाय होन्नाबो बुंजायो। गुबुन एलार्टफोर बायदि ग्रिन एलार्टआव जेबो रोखोमनि सांग्रांथि एबा एक्सन लानांगौनि गोनांथि जाया।

सौहैगोन आं माबोला

सिगांडाव नुहुरनाय, लैथो बारै, बै हाब्रानि सेराव- माबोला सौहैगोन आंनि मिजिं। दुखुथिया जिउरखौं दुंबुत मेगननि निजिरा- फुगारनो थाखाय सोरबा दड नामा मिजिं? नड नड गुबुन गोसोनि अन्नाय- बरसा खालामनाया आंनि जाथावना नड जिउनि। बैथा गैयै दिखनि सायाव, थानो साना आं लैथोनि गेजेराव। गबगोन जेबोला बैयाव, बोखानो गैया रावबो बुहुमाव। सोनारा आं रावनिबो सायाव, दावबायगोन आं हासिडेनो। बै गोजोन बुब्लिन हाब्राडव- सौहैगोन आं माबोला.....।

सोरंसार बसुमतारि
गामि- सान्जा मावरियागाव
जिला- कक्राझार, बि टि सि (आसाम)

आंनि सिगां सिगां

मुस्रि समिर बरगयारी

बेसेदि समायना नों आंनि मेगनाव, मा एसे मोजां नोंनि महारलाय बेसेदि समायना नों आंनि सिगां सिगां। मोनगोन दाबि नोंनि अन्नाय? अनोबोला आंनो फोरमाय हरसाय लाइजामनि गेजेरजों, दाजा नों गुबुननि सिगां सिगां नेनानै थागोन नोंखौंनो आं आजोला समनि जिउरखौं लानानै। बेसेदि समायदों नों आंनि सिगां सिगां, फे नों आंनि गुवार गोबों बिखायाव गोबां फे - बोजबनानै लागोन आं नोंखौं फे अनजालि आंनि सिगां सिगां।

नागारनो हाया आंनि गोसोआ नोंखौं?

नोंखौं आं नागारनो हाया बे जीउआव, बावनो हानाय नड आंनि गोबोंनि मिजिंक नोंखौं हास्थायो जिउआव मोननो अराय। नंगोन नों आंखौं गुबुनजों गुलि गुलि खालामबाय आंखौं गुबुनाव दोननानै नाथाय, आंनि गोसोआ नोंनि फासेसो थायो अनजिमा नोंनि गोसोआ आंखौं बावगारनोल' दासन नाथाय मोकथाडवसो जाफुंगोनना जाफुड बेफोर मोजां मोननाइफ्रालाइ थैथाव थांथाबब्लाबो मोजां मोनदोंमोन आंलाइ नोंखौं अनजिमा। थैवब्लाबो नागारनो हाया आंनि गोसोआ नोंखौं जिउआ जोबलांब्लाबो नागारनो हाया आंनि गोसोआ नोंखौं नो अनजिमा।

माबोरै बावनो हानो

माबोरै बावनो हानो नोंखौं आं जाखां फेयो अराय नोंनि महरल' खोनाफेयो नोंनि'ल' गोदे देखो। फाग्लाबादि जाबाय नोंखौं साननानै फाग्लाबादि जाबाय नोंखौं लानानै। मादाय मावखो आं मिथि मोनै नोंनि सायाव मा फाबनि साजा मोनखो आं फोरमायासैदि आंनो। गावदां अखाफोर मोननो आंनि दानसोरं हरगेजेरनि जिउनि अनजालिमोन नों आंनि बिखा बिख्लोनि सोरथो मिथिगौ मिथिना मोनब्ला दिने सोरथो होगौमोन गोरलै गोसो जेबो बुजिआ, अननाय मोजां मोननाय फोरंलांबाय नोंनोदि आंनि। नेनानै द अनजालि नोंखौं आं फेफिन नों रजे आंजों लोगोसे माबोरै बावनो हानो नोंखौं आं।

अजय कुमार बसुमतारि
गामि- थालिबारी
गामि- सिखरगाव, जिला- कक्राझार।
ला: सो: -

देवेनगिरि बसुमतारि
जोमा बड' फरायसालि पातगाव
थाखौं- डाइन, गामि- हाबुबारी

रंजालि गथ'फोरनि सौरा

सासे सेंग्रा दं

सासे सेंग्रा दं मोजां मोननोनि गियो बियो मोजां मोननायाथ' मोनबाय बियो नाथाय, फोरमायनानै लानोसो गियो Care बो खालामो गावनिबो बुडे बियो खोमानोबो गियो, सिमांबो सुजुयो अब्लाबो मानो मोजां मोननो गियोथाय बियो..!

आंनि फिसा फिसा बाश्रायावनो खुसि जायो आंनि दुखुनि समावबो हेफाजाव होयो आंनि आंगो लोगो जानानै थानोबो लुबैयो अब्लाबो मानोथाय गोसोजों गोसो गोरोबज्जलायनो गियो मानो एसेबां गोसोखौं हमथायोथाय बियो मिथिया मानोथाय मोजां मोननो गियो बियो....!!

निरमालि बर'
सावकुसि (लानदांपारा), बाक्सा

अनसुला रजे

नोंनि अन्नायाव जानांवाय आंनि गोसोयाव हायना नांवाय बादि, एखनब्ला नोंखौं खनसे लोगो हमनो, माब्लाबा सानो नोंजों रायज्जलायनो, सुखु-दुखुनि खोथा होनो, नाथाय नों बबेयाव दं अनसुला रजे.....! नोंखौं नुयैआव आंनि गोसोया जानांवाय उरां-फारां हास्थायसुलि गोसोया नोंखौं मोनो अराय सम जुलिनि खोथा रायज्जलायनो सानदोंमोन आं नों, अनसुला रजेजों.....॥ नाथाय बबेयाव दं आंनि सिगांडाव दान्दिसेल' मोजोमना थांफिनबाय नों आंखौं नागारना अनसुला रजे। जाखांफेबाय थायोल' बिनि महर सिमां मोकथां सानस' हाया आय' मा एसे गोमोथाव माया मुथिनि गेलेहोनाय। माब्लाबा नोंखौं नुनायबायदि बबेबा लामायाव नोंजों रायज्जलायनाय बायदि जाखांफेबाय थायो खालि बिनि महर, अरायबो था नों गोजोने अनसुला रजे। हास्थायबाय थागोन आं नोंखौंल' अराय सम अनसुला रजे।

मिस अनामिका नार्जारी

हान्थियारिनिसिम

दोंसे लामा नों गोबां हान्थिबाय हान्थियै हान्थियै गोबां मेंनायबो खोन्थाबाय, जायगा लाना जायगा जिरायबायबो आरो दावबायबावनो बेसेबा गोजान दंबावो। गोदान गोदान लोगो मोनदों जेसेनो हान्थिदों एसेनो गासैबो गोदान जादों नाथाय नोंनि मोदोमनि बिगुर नोंनि सोलेरनि निजोरा महर गाब मोनसे सोलायाखै थाबायथाथों बेनो नोंनि थाखै, हान्थिबायथा हान्थिबायथा आगान आवगायबाय था। सिनायलायनो सोलों आंगोनिबो आंगोजों, सिनायैखौं मोजाडै सिनायनो नाजा गावखौं माब्लाबो बावनो दानाजा। जेन्नायाथ' नोंनि थांखि नंडा बेखौंथ' नों मोन्थिखायै नड, नोंनि सिमांडा हैर लामानि जोबथा खर' आव जिरायनानै नोंखौं लामा नायदों आलो-गोजानाव। लामानि सुथुरफोरखौं फेजेनमनांनो हाग्रा-बंग्राखौं एवमालांनो दैनांगोन आखाइयाव दाहाल थुंग्रि थानांगोन अरायबो थाग थिआरि इनायनि बेरेखायै खुगासिनो सोहबखग्राफोरनि बेरेखायै जुजिलानो जेब्लाबो बिखा फोरदान नांगोन सैथोखौं बिखायाव गोबाना अराय सिगां नांगोन। नों देरहानांगोन सिमांडा नोंनि जाफुंनंगोन नांगौब्ला गावखौंनो बाउसोमनांगोन, लामा ससेयाव हां गैयै उन्दुनाबो थानांगोन, थैवबो नों गिख' बादि गिदिफिनो नाड सिखावबादि स्रोद उनफिनो मोननाय नड ॥

लेबेनलाल मोसाहारि

अराय बोथोर खा

सोरंबानो गोनांथि सोरंबानो आंखालथि बेयो सुबुनि जिउवाव अराय बोथोर खा

रैदोम बर', बाक्सा

बेसे सहायनानै थाबावनो आं?

बेसे सहायनानै थाबावनो आंलाय बे संसार उजिगासेआव। नागिरब्लाबो नुवारसै आं माथो राहाखौंलाइ। जोनोमा जादोंमोन इसोरनि मुं लानानै बे दान्दिसे समाव गैयानो माथो नुहुरनायनि जेबोसिम.....। जानांवाय आं बे संसार उजिगासेआव गोदाव सोराव आंनि थानि "हे" गसाइ। मा खालामबा मा जाबावगोन आं बे दान्दिसे समाव। नुहुरनायनि जेबो सिमायानो गैया माथो बोरै राहा नागिरनानै, थाबावनो आंलाइबे संसार उजिगासेआव बेसे सहायनानै थाबावनो आंलाइ।

अजय कुमार बसुमतारि

लाफासायख' दाव

जोमै सेर सेर रोमै रोमै बिरबायो नों मानो लापासायख दाव, मेंनाय गैया नामा नोंहा सानफा थालो बिरबाय सोमोन्दो दडनामा, नडब्ला मानो जोमै सेर सेर बिरबाय थायो नों लापासायख, ना नोंहा जीउआव माबा दुखु गोनां जारिमिन दडनामा नडब्ला मानोथो गांबुब्राब बुब्राब गारामा थराय लायनाय गाबो नों, ना नोंनि जीउनि अनजालिआ नोंखौं बावगारनानै बे संसारनिफ्राय आनज्राय लांबाय नामा, लापासायख, फोरमाय हर नों लापासायख मानो सिरि थायो नों आं नोंनि जाथायखौं सोंब्ला गंभिनानै सिरि, खोनासंनो आंबो नोंनि जीउ जारिमिन सल बाथा, लाफानो आंबो नोंजों लोगोयाव दुखु दाहा।

प्रचेन बसुमतारि

नोंखौं नेयै नेयै

नोंखौं नेयै नेयैनो, बोथोरनि जावलिया बारा, बुखारलांबाय आंखौं, सोनाब राइजोनिफ्राय, फेनाय बार मोदाया। आय' रजे नोडे आंखौं गोसोनि साननायखौं, थिउ साबना लानो दासान, बिरबायनाय खानाय रुंबांजों, होथेनानै नुयैबायदि दाखामलां। नोंखौं नेयै नेयैनो, गोसोनि जा बाश्रा दं बेफोरखौं बावगार लांजोबबाय, गोसोयावल' दुखु होलांबाय, ए रजे नों मानो? मेगन खनाजौल' नायखोमा हरो, आंदि नोंखौं मोननो बेसेदि फाग्ला, नों जानगाराव थायोब्लाबो, आं बै समनि बुनाय बाश्राखौं, बावनो हानाय नड रजे।

कुस कुमार ब्रह्म

(1 बिलाइनिफ्राय)

हायार सेकेन्डारि जोबथा आन्जादनि फिथाइखौं...

थाखौनि आन्जादनि फिथाइखौं गाबोन 9 मे अक्ट'खालि फुंभलि 9:00 रिगायाव फोसावनाय जागोन। देरलायनि 2024 ई माइथायनि एइसएस जोबथा आन्जाद लिरनाय साफ्रोमबो फरायसा-फरायसुलिफोरनिसिम गहाम हामब्लायथि बाउडहरो होन्नानै मन्थ्रि पेगुआ गावनि दुइटरआव लिरो। मख'नाय जायोदि, देरलायनि एइसएस थाखौनि जोबथा आन्जादआव राइज्योनाडे'गासै सा 2,80,216 फरायसुला-फरायसुलिफोरा आन्जाद लिरदौमोन। बेनि गेजेराव सा 1,39,486 फरायसुला आरो सा 1,42,732 फरायसुलिफोर। लोगोसे सा 2,80,216 फरायसाफोरनि गेजेराव आरिमु आयदायाव सा 2,06,467 फरायसाफोर, बिगियान आयदायाव सा 54,287 फरायसा आरो फालांगि आयदायाव सा 17,582 फरायसाफोरा आन्जाद लिरदौ। गाबोन फुंभलि 9:00 रिगा जानाय लोगो-लोगो देरलायनि एइसएस जोबथा आन्जादआव जिरायनाय फरायसुला-फरायसुलिफोरा गाव-गावनि आन्जादनि फिथाइखौं आसाम हायार सेकेन्डारि इडुकेसन कारुन्सिलनि वेबसाइटआव नायनो हागोन।

बाथौ आश्रम जथाइ आफादआ मेट्रिक

आन्जादाव उथ्रिसारनाय फरायसाफोरखौं...

फारियै- निजोम बर' 549 (91.5%), नयनमनि बसुमतारि 548 (91.38%), सत्यजित रामसियारि 515 (85.83%), रनसाइ बसुमतारि 511(85.16%), अन्जिमा बसुमतारि 504 (84%), बिकम बसुमतारि 502 (83.6%), अनिका दैमारी 501 (83.5%), हायुंगोरा ब्रसम 495 (82.5%), गनदेव बंसियारी 493 (82.16%) आरो खन्थाइ रानि बर' 491(81.83%)। दिन्नैनि बे बरायनाय हाबाफारियाव बाथौ आश्रम जथाइ आफादनि बेन्दो'आव थानाय गं 33 फरायसालिनि फोरोंगिरि-फरायसाफोरा बाहागो लानायजों लोगोसे गरेस्वर ओन्सोलनि बायदि बिबानाव थानाय मलेमजिबि सुबुं, दिथागिरिफोराबो बाहागो लायो।

8 1.6 1 जौखोन्दो भट गोग्लैनायनि हारजों

आसामआ बयनिखुइबो गोजौसिनाव

जिल्लानि सुबुंफोरा भट होनायनिफ्राय जानगाराव थादौमोन। जाहोनाव बे जिल्लाफोराव भट होनायनि हारआ 0 जादौमोन। बेनि अनगायैबो अरुणाचल प्रदेशआव 67 जौखोन्दो आरो सिक्किमआव 75 जौखोन्दो भट होनायनि हारजों गोजोनथाव होन्ना मिबथिनो मोन्दौ। गुबुन फार्सेथिं हारियारि दाडबाजि सोमजिदौब्लोबो मनिपुरनि भटरफोरा भट होनायनि बिथिडव उरनिफन्नानै थायाखै। राइज्योनि भट होनायनि हारआ 75 जौखोन्दो। नाथाय बयनिखुइबो गोजोन थासाेरियाव थानाय मिजरमनि भटरफोरनि बिथिडव उल्था सावगारिसो नुनो मोन्दौं। हाजोआरि राइज्योआव भट गोग्लैनायनि हारआ 55 जौखोन्दोल'। मख'नो गोनादि, बिसायख'थि आयगआ फोरमायनाय बायदिब्ला, बावैसो सिगां जोबनानै थानाय बिसायख'थियाव भट गोग्लैनायनि हारआ आसामआवनो बांसिन। राइज्योआव 81.61 जौखोन्दो भटरफोरा भट होदौं। बेबायदिनो सोनाब बंगआव 75.79 जौखोन्दो, गवाआव 75.20, चत्तिसगडआव 71.06, कर्नाटकआव 71.41, दमन आरो डिउआव 69.87, मध्य प्रदेशआव 66.05, महाराष्ट्रआव 61.44, गुजराटआव 58.98, बिहारआव 58.18 आरो उत्तर प्रदेशआव 57.34 जौखोन्दो भट गोग्लैदौं होन्ना मिबथिनो मोन्दौं।

मन्थ्रि पियुष हाजरिकाआ बजालीनि

माथावरिनि खामानिखौं नायगिदिहैदौं

नुजाथिहैनानै खौरंगिरिफोरनि सिगाडव जरहाट बियाबनि सोमोन्दै मन्थ्रिआ फोरमायनाय बायदिब्ला, जरहाटआवबो बिजेपिआ गोबां भटनि फारागथियाव देरहासारगोन। माखासे जरहाटनि बाइजोनि सुबुंफोरा फेसबुकआव लाइक, सेयार नायनानै जरहाटआव जेनगोन एबा देरहागोननि बाश्राखौं बुडो होन्ना मन्थ्रिआ गुबै सावगारिया बे नड होन्ना फोरमायो। बदरुदिन आजमलनि सोमोन्दै सौथि सौनायाव मन्थ्रिआ आजमलखौं मिनियोना गाबो, जेनो ना देरहायो बेखौं लानानै जेबो खरसाया होन्ना फोरमायो। मोन 12 मासियाव देरहासारगोनआ रोखा आरो फैगौ बिधान सभानि बिसायख'थियाव बिजेपिआ 100 बियाबआवनो देरहासारथारनांगौ होन्ना मन्थ्रिआ दाबि दैखाडे। बेनिखायनो कंग्रेस आरो एआइउडिएफ मोननैखौंबो फेजेन्थारनांगौ। कंग्रेस आरो एआइउडिएफआ बिदा-फंबाय बायदि आरो बिसोरजों बिजेपिहा जेबो सोमोन्दो गैया। धुबुरि बियाबनि सोमोन्दै मन्थ्रिआ गोबां बेरफुसा बिवुंथि लाखिनानै आजमलनि देरहानायखौं गेरन्टि गैया होन्ना फोरमायो। मख'नो गोनादि, आसामआव लकसभा बिसायख'थिया जोबनाय लोगो-लोगोनो बजालीआव लुफुंजाबाय थानाय जिय' टिउब फाइलट प्रजेक्टनि खामानिखौं नायसहेनानै मन्थ्रिआ खौरंगिरिफोरजों बाश्रा सावरयनायखौं नुनो मोन्दौं। बे खेबआव बजालीआव दै बानाजों जाहाथे जेबो खहा एबा जेबो जेना नुजाया बेनि थाखाय बिबान मोन्नाय थिकादारआ जेरै बिथोन एरैनो खामानिखौं मावथासनांगौ होन्ना मन्थ्रिआ थिकादारखौं हुमखि होनायखौं नुनो मोनो। काजिरडाआव गिबि मन्थ्रि ७ हिमन्त बिश्व शर्मा सरकारनि समाव मासेबो गान्दा बुथारनो हायाखै। गान्दा बुथारग्राफोरा खारखुमानानै दंजोबो। मख'नो गोनादि, मन्थ्रिआ काजिरडानि गान्दा बुथारनायनि सोमोन्दै खौरंगिरिफोरा सौथि सौनायाव बेबायदिनो बिबुंथि लाखिनानै गासैबो सौनायनि फिन्नाय होना बजालीनि सानतिपुर-दलैगाव, पकारतुब, गहिनपारा, घातारतारि आरो कतबारिआव सोलिबाय थानाय पडुमारा दैमानि जिय' टिउब माथावरिनि खामानिखौं नायसनानै थाबैनो आबुं महर मोनसिगोन होन्ना मिजिं फोरमायो। बे हाबाफारियाव मन्थ्रिजों लोगोसे भबानिपुरनि एमएलए पनिधर तालुकदार, दै सम्पद बिफाननि बजालीनि मावफुं इन्जिनियार कमलजित गायनजों लोगोसे गोबां बिबानगिरि मावफारियाफोरानो बे हाबाफारियाव बाहागो लानो हानायखौं नुनो मोन्दौं।

गेलेमु पेन्स'नार मानिक चन्द्र रायआ रुंसारि..

जाबायमोन। रायआ बिसि, सानै फिसाज्ला, साथाम फिसाजो, सानै बिहामजो, फिसौजो-फिसौज्ला आरो सान्थ्र हायै अन्साइगिरिफोरखौं हरखबा नागारलानानै इनायनो दुखु होलांबाय। मख'नो गोनादि, ओन्सोलाव बयजोंबो गोरोबनो ह्य्रा सुबुं महरै मिबथि जाग्रा मानिक चन्द्र रायआ गोबाव समनिफ्रायनो मिबथिस मोनै बेरामआव गोग्लैनानै दडमोन। रायनि जिउ गोमानायनि खौराड गोसारनाय लोगो-लोगोनो सान्थ्र हायै सुबुंफोरा रायनि न'आव जमा जाहैयो। कक्राइरनि एमएलए लरेन्स इस्लारि, बर' थुनलाइ आफादनि बारग' मिरु नेहाथारि गपिनाथ बरगयारि, जिल्ला गेलेमु गौथुमनि आफादगिरि/नेहाथारि, आक्रासु, एबसु, नाथ-यगी फरायसा आफादनि थान्दैफोर, एभरेज क्लाबनि बिबानगिरिफोर, सिमबोरगाव गोजौ फरायसालिनि बारग' गाहाइ फोरोंगिरि एबा बर' समाजनि मानि जाथाव दैदेनगिरि बिबेकानन्द नाज्जिरि, सिमबोरगाव गोजौ फरायसालिनि गाहाइ फोरोंगिरि सानसुमै बसुमतारिजों लोगोसे सान्थ्र हायै सुबुंफोरा रायनि न'आव नुजाथिहैनानै नख'रनि दुखुआव हेफाजाब हैनानै रुंसारि जानाय सुबुंखौं जोबथा बिदाय होयो। बेलासिआव रोजा-रोजा अन्साइगिरिफोरनि नुजाथिनायाव मानिक चन्द्र रायनि जिउ गैयै देहाखौं जोबथा बिदाय होनाय जायो।

दैदेनगिरिफोरनि एना-एनिआव गुलाब राब्बानीनि

दैदेन्नायाव बिटिआर नेमसुनि जोनोम

मेलआव नेमसुनि आफादगिरि बदरुल इस्लामनि हारसिडै दैदेन्नाय आरो खाबु पलान आखुखौं सौंखारिनानै बिटिआर नेमसुखौं दाफुंनयनि बाश्राखौं फोसावो। गोदानै दाफुंजानाय बिटिआर नेमसुआव गुलाब राब्बानीखौं आफादगिरि, आलेबर आलिखौं मावफुं आफादगिरि, बाहारुल इस्लाम आरो हाफिजुल इस्लामखौं गाहाइ नेहाथारि, डा: आताउर रहमान आरो रेकिब उदिन आहमेदखौं बोसोनगिरि महरै लानानै गासै सा 31 सुबुंफोरनि मोनसे गोहो गोर आबुं आफाद दाफुंनानै लानाय जायो। मख'नो गोनादि, दिन्नै दाफुंजानाय बिटिआर नेमसुआ इउननि जिल्ला, आन्सलिक आरो सा-सान्जा राइज्योनि आफाद दाफुंनौं होन्ना फार्सेथिंजायनिफ्राय बदरुल इस्लामनि दैदेन्नायाव नेमसुखौं बोखावनाय जाबाय होन्ना रोखायै फोरमायथियो।

(1 बिलाइनिफ्राय)

जाब्रबथाइयाव जिउ

खहा जानाय फालांगिरिनि गोथै

सहखौं लानानै सोमावसारदौं

ओन्सोलनि राइजोफोरा गोथै सहखौं लानानै हेंथा सोमावसारनायखौं नुनो मोन्दौं। उनाव कक्राइर पुलिसआ बेलासिआव शान्तिनगरआव नुजाथिहैनानै सोमावसारगिरि राइजोफोरखौं बादा हैनानाय थासारिया सुरलायनो हमो। मिबथिनो मोन्नाय बायदिब्ला, जाब्रबथायाव जिउ गोमानाय फालांगिरिआ शान्तिनगर वार्ड नं 2 नि थागिबि सन्जित सरकार (45)। जिउ गोमानाय सन्जित सरकारआ दुखुथिया नख'रनि सासेल' खामायगिरिमोन। नाथाय मैया देबरागावआव सन्जित सरकारआ फालांगिनि खामानियाव लामानि साखाथियाव थाद'बाय थानाय समावनो गोखों गोखैथिजों फैनाय रयेल इन्फिलड मटर-साइकेल (एएस 16 जे 8501)आ सौग्रावनायाव जायगायावनो जिउ गोमानो गोनां जायो। उनाव दुखुथिया नख'रनि रांखान्थियारि लोरबांथिखौं नायनानै दिन्नै नख'रनि अन्साइगिरि, साखाथिनि सुबुंफोरजों लोगोसेनो ओन्सोलनि सुबुंफोरा जाब्रबथाइजों जिउ गोमानांनाय न'नि लोंगोनायाव गोथै सहखौं लानानै सोमावसारना खहा सुफुंथायनि थाखाय दाबि दैखानायखौं नुनो मोन्दौं। जाथयनि सोमोन्दै कक्राइर पुलिसआ मटर-साइकेलखौं हमनानैल' बिबान फोजोबदौं होन्ना अजद दैखाडे। अजद होनाय बायदिब्ला, जाब्रबथाय खालामग्रा सिआइटिनि फरायसुला गौरब दास (शान्तिनगर)नि नख'रआ जिउ गोमानाय खाफाल हाउरिया नख'रनो 5 लाख रनि खहा सुफुंथाय होनांगो होन्ना दाबि खालामदौंमोन आरो बे रांखौं मोनैनि थाखाय दुखुथिया नख'रनि जानानै राइजोफोरा गौरब दासनि न'नि लोंगोनायाव हेंथा सोमावसारनो गोनां जायो। कक्राइर पुलिसनि नुजाथिनायाव जाब्रबथाइ खालामग्रा नख'र आरो जिउ गोमानाय नख'रनि गेजेराव आयदाखौं सावरयलायनानै मोनाबिलि समाव गोथै देहाखौं अराय समनि थाखाय बिदाय होनाय जायो।

नलवारि जिल्ला बेंगिरि बर्नालि

डेकानि हेंथायै खोन्दोआरि

बिबानगिरिआ गसरलाइ थिसन्दौं

समावनो जिल्ला बेंगिरिआ जावले-जावले फैनानै शर्माखौं शर्माखौं नारसिन्थाय होफैयो आरो मेलेमआरि अत्यासार खालामदौं होन्ना गसरलाइआव फोरमायदौं। शर्मानि अजदलाइआव फोरमायनाय बायदिब्ला, जिल्ला बेंगिरिआ सिगाडवबो गावखौं गोबां मेलेमआरि नारसिन्थाय होबोखांबाय। थानाय 24 जानुवारी, 2024 आवबो सुबुंखान्थि सानजों लोब्बा लाखिनानै गां 60 नि फालि गामसा जगायनानै होनो हायैआव जिल्ला बेंगिरिआ शर्माखौं दाय हमदौमोन। अजद होगिरिआ फोरमायनाय बायदिब्ला, जिल्ला बेंगिरिनि मेलेमआरि नारसिन्थाय थानो हायैनि थानाय मार्च दानआव बे साखिनिफ्राय नागरानो नागिरदौंमोनब्लाबो लोगो मावफारियाफोर आरो अन्साइगिरिफोरनि खालायायाव शर्माआ बे थांखिखौं नेवसिफिन्दौमोन होन्ना फोरमायदौं। गसरलाइआव फोरमायबावनाय बायदिब्ला, थानाय 7 मे एबा मैया हर गेजेरआव जिल्ला बेंगिरिनि आखुआव गिनानै शर्माआ गावखौंनो रैखा खालामनो गासै जाथायखौं मबाइलआव रेकर्डि खालामदौंमोन। बेखौंनो नायनानै जिल्ला बेंगिरिआ होसो बोनानै शर्मानि मबाइलखौं सिख'नो नागिरदौंमोन। बेखौं नुनानै हाथियारजों गाग्लोबनो हागौ सान्ना गिरखानानै गाव आरो गावनि फिसाजोनि रैखाथिनि बाश्रा सानखानानै आइरनि रहा आजावनो थाखाय गसरलाइ होनाय जादौं होन्ना फोरमायो। एरैहाय जिल्ला बेंगिरिनि हेंथायै सासे आइजो बिबानगिरिआ गसरलाइ गथायनाय जाथायखौं जिल्लानि जेरावबो सावरयसोलायनायखौं नुनो मोन्दौंमोन। पुलिस एबा आइरनि फार्सेनिफ्राय बेनि सायाव मा रहा लायो बेखौं समासो फोरमायसिगोन।

ढेकियाजुलि दखरा ब्रह्म धोरोम

आफाद आरो जिकेबि जांमा...

कम्पिउटर सोलौंसलि बेखेवनाय जायो। बे हाबाफारिनि लोब्बायैनो 2024 मायथाइनि मेट्रिक आन्जादाव ट'प-10 मासि आवग्रिनो हानाय फरायसाफोरखौं बरायनाय जायो। लोगोसे देखियाजुलि दखरा ब्रह्म धोरोम आफादनि आफादगिरि खगेन मोसाहारीनि मासि सामब्लायनायनि गेजेरजों मोनसे गेवलां मेल खुंनाय जायो। बे गेवलां मेलआव बेखेवगिरि महरै बाहागो लायो सनितपुर जिल्ला बर' थुनलाइ आफादनि नेहाथारि कमल कुमार मोसाहारी। गहाय आलासि महरै बाहागो लायो मिरु बर' थुनलाइ आफादनि लेखइ आफादगिरि प्रसन्त बर' आरो रौता फरायसालिमानि लेखइ बिबुंगोरा कामाख्या ब्रह्मआ। लोगोसे सनितपुर जिल्ला ब्रह्म धोरोम आफादनि फोसावगिरि, सिबियारिजों लोगोसे जिकेबि जांमा आश्रम फरायसालिनि गोबां फरायसा आरो दिथागिरिफोरबो बाहागो लायो।

समाज सिबियारि राहुल

नार्जारिनि दैदेन्नाय नार्जारि ...

सामलायगिरि राहुल नार्जारिनि दैदेन्नाय नार्जारि फार्मनि बान्जायनायाव दिन्नै गसाइगाव महखुमानि सिडव थानाय उत्तर पखालागि आरो आलिनगर गुदि फरायसालियाव बेसेन नाडै देहा नायबिजिरनाय लोगोसे नांगौ जानाय आयुरबेदिक मुलिफोर रान्ना होनाय हाबाफारि खुंनाय जायो। गामियारि ओन्सोलफोयाव राइजो जानाय सुबुंफोरनि देहायाव सोमजिनाय बायदि रोखोमनि देहायारि जेनाफोरखौं फाहामनाय आरो देहा सिबिथाइ होनायनि अंसिलायै राहुल नार्जारिनि दैदेन्नाय नार्जारि फार्मआ थानाय माखासे सिगां दानफोरनिफ्रायनो गोबां गोथौ गामिफोराव बेबायदि देहा सिबिथाइ बादाफोरखौं लाबोबाय थानाय नुनो मोनबोदौं। बेबायदिनो दिन्नैबो सानसेनि गेजेरावनो मोननै गामियाव राइजो राजाफोरनि देहा सिबिथाइनि थाखाय बेबायदि देहा आन्जाद खालामनाय आरो मुलि हरनाय हाबाफारिखौं लादौं। नार्जारि फार्मनि गाहाइ सामलायगिरि, समाज सिबियारि राहुल नार्जारि बिथांआ फोरमायनाय बायदिब्ला, दिन्नैनि बे देहा सिबिथाइ बादायाव रोंगौथि गोनां डाक्टर माजुलिनि, डा: हिमांसु बजर बरुवा बिथांजों लोगोसे गावनि देहा फाहामगिरि हान्जाफोरा फैनानै बेसेन नाडै देहा नायबिजिरनायआव बाहागो लाफैदौं। दिन्नैनि बे देहा सिबिथाइ बादायाव ओन्सोलनि गोबां सुबुंफोरा देहा आन्जाद खालामजाफैनायखौं नुनो मोनदौं।

फैगौ 2025 इं माइथायाव खुंनो गोनां 64थि

बर' थुनलाइ आफादनि बोसोरारि जथुम्मनि...

बेखेवनानै होयो आसाम आयेन आफादनि बुंथिगिरि थामहिनबा बान्जाय आफादनि मासिगिरि बिस्वजित दैमारीआ। फैबाय थानाय समाव हाबाफारिखौं बिथा खालामनानै गोजोन थासारि आरो मोजाडै खुनो थाखाय बिटिसिनि गेलेमु आरो हारिसुआरि बिफाननि मावफुं सोद्रोमा दावबायसा बर'नि दैदन्नायनि गेजेरजों मोनसे गेवलां सावराय मेल खुंनाय जायो। बे हाबाफारियाव मिरु दुलाराइ बर' फरायसा आफादनि सुबुं फोनांजाब नेहाथारि लहित चन्द्र बर', बिटिसिनि मावफुं सोद्रोमा रनेन्द्र नाजरी, बिटिसि खैराबारि बियाबनि एमसिएलए भबेन्द्र बर', बिटिसिनि बारग' लोगो बुंथिगिरि नेरसन बर', उदालगुरि जिल्ला एबसुनि गहाय नेहाथारि बाबुल बर'जों लोगोसे जिल्ला एबसुनि दैदेनगिरि, उदालगुरि जिल्ला बरन थुनलाइ आफादनि आफादगिरि मानिक चन्द्र बसुमतारि, गहाय नेहाथारि पितार गोरा खुंनू दैमारीजों लोगोसे जिल्ला आफादनि दैदेनगिरि, उदालगुरि जिल्ला आदिबासि फरायसा आफादनि आफादगिरि बाबुल पाइक, अल आसाम गुखां सम्मिलनीनि आइजो गांखनि आफादगिरि कल्पना शर्मा, खग्राबारि, भेरगाव, टंला दखरा एबसुनि आफादगिरि आरो गहाय नेहाथारिजों लोगोसे बायदि बिबानआव थानाय दैदेनगिरि आरो उदालगुरि जिल्लानि सिडव थानाय गुबुन गुबुन फरायसालिमा-फरायसालिफोरनि गोरायुं, गहाय फोरोंगिरि, लोगो फोरोंगिरि, गुबुन गुबुन आफादनि दैदेनगिरि आरो ओन्सोलनि गोबां मेलेमजिबि आरो गेदेमा सुबुंफोरा बाहागो लानायाव गाहाइ मावखुलि बेखेवनाय हाबाफारिया जाफुंसार महरै जोबनानै थांडो।

नावबैसाआव जल जीवन मिसननि

मावफुंनायाव जाख्ल 'नायनि अजद

माखासे धोन कुबेर सुबुंफोरनो जेराव मेरावनो कौटि-कौटि रां गनायथि होनाय, दै जगाय बिथांखि लुफुंनयनि खामानिखौं साब-टेन्डर खालामनाय बिफानआरि बिबानगिरिफोरा बिथांखिखौं रोखायै नायसडे बायदि जाहोनाव लक्षिमपुरनि नावबैसायाव बे बिथांखिनिफ्राय सरसनस्त्रा राइजोफोरा बेसेबां मुलाम्फा जागोन बेखौं साननो गोनां जानानै फेदौं। गुबुन फार्सेथिं दै जगाय बिथांखिफोरखौं रोखायै नायबिजिसडेनि खाबु लानानै माखासे थिकादारफोरा बिथांखिफोरखौं बिथोन होजानाय बायदि मावफुंनैनि गोखों अजद दैखाडे। सुबुं सावसि मावफुं इन्जिनियार बिफाननि लक्षिमपुर खोन्दोनिफ्राय मावफुंनय दै जगाय बिथांखिफोराव सोमजिनाय बेले-बेजेनि मोनसे बिदिन्थिआनो जाबाय नावबैसा बियाबनि दै बानाजों जोबसांनाय गसानिबारि गामिनि 90 लाख रनि दै जगाय बिथांखि। बिथांखिखौं थिका मोन्नाय खगेन हाजरिका मुनि थिकादारआ लोरबां गोखैथिजों मावफुंनायाव 2 बोसोरनि गेजेराव बिथांखिखौं मावफुं दौब्लाबो थिकादारआ बिथांखिखौं लुफुंनयाव जाख्ल 'नायनि थाखाय राइजोफोरा दिन्नैसिमबो गरदसेबो गोग्गो लोंग्रा दै मोन्नो हायाखै। मख'नो गोनादि, थानाय जानुवारी दानआव बे बिथांखिनिफ्राय दै बुथुमनो राइजोफोरखौं बिथोन होदौंमोनब्लाबो दान मोननैसो खुनुरुखुम राइजोफोरा दैखौं मोन्दौंमोनब्लाबो नाथाय उनाव दैखौं मोनाखै। बे बिथांखिखौं मावफुंनू थिकादारनि लेहेमिया खामानिनि थाखायनो पाइपनि खामानि मावनायाव जाख्ल 'नानै गोग्गो लोंग्रा दैनिफ्राय राइजोफोरखौं जानगाराव दोन्दौं। लामा ससेयावनो एबा लामा खाथियाव गायसन्नाय लोंग्रा दैनि पाइपआ जेराव मेरावनो गबल्लनानै लामाखौंसो गात्रि खालामदौं होन्ना राइजोफोरा अजद दैखादौं। बे बिथिंखौं नोजोर होयोब्ला बिफानआरि गोजौ थाखोनि बिबानगिरिफोरा गोखों रहा लानो थाखाय थाबैनो नायसंनयनि गेजेरजों रहा खालामनांगौ होन्ना ओन्सोलनि बुगिनांनय राइजोफोरा दाबि दैखानायखौं नुनो मोन्दौं।

कंग्रेसखौं अलखदआव खोख्लैनानै सैम

पित्रदाआ बिबान एंगारबाय

गुबुन हादतआरि बिफाननि मासिगिरि बिबानखौंबो एंगारबाय। मख'नो गोनादि, लकसभा बिसायख'थिनि गेजेरवनो पित्रदानि बेबायदि मुग्थाव बिबुंथिखो लानानै बिजेपिआ कंग्रेसखो गोखों रवजों सौंखारिदौं। बेबायदि थासारिनि गेजेरवनो कंग्रेसनिफ्राय बिबान एंगारनानै आयदाखौं एरायनो सान्दौं सिगांनि बारग' गाहाइ मन्थ्रि ७ मनमहन सिंनि बोसोनगिरि महरै बिबान सामलायबोनाय सैम पित्रदाआ। जयराम रमेशआ फोरमायबावनाय बायदिब्ला, कंग्रेसनि मासिगिरिआबो सेडम पित्रदानि बिबान एंगारनाय लाइजामखौं गनायथि होबाय।

लक्षिमपुर जिल्ला बेंगिरिआ बुर्लुबुथुरनि

खुरखानायखौं नायगिदिदौं

ओन्सोलखौं नायगिदि हैनानै थासारिनि गुदि-खिथा खौरां लायो। मख'नो गोनादि, दैज्लानि सिगां-सिगां बुर्लुबुथुरनि खुरखानाया गिखंथाव महर लानानै सप्ताहसेनि गेजेरवनो बानदेनानि 6नं सेक बान्दोनि गासै 60 मिटर बाहागोखौनो खुरखानानै लाडे। सेक बान्दोखौं दैमानि फार्से खोंथिंजानाय गोबां बिबानि जिय' बेग आरो एप्रन्डआ गिसिखालांबाय। मख'नो गोनादि, ढकुवाकाना-माजुलीनि सरैखा कबस सिसि-टेकेलिपुता माथावरिनि रैखाथिनि बिथिडव मख'जाथाव बिफाव लानाय 6नं सेक बान्दो आरो बेनि साखाथियाव थानाय ओन्सोलनि खुरखानायखौं होबथानो थाखाय जिय' बेगनि बिथांखि मावफुंनय जादौंमोन। ढकुवाकाना दै सम्पद बिफानआ एसअपिबि (जि) 2022-23 माइथायाव 10 कौटि रां खरसा खालामनानै जिय' बेगनि गेजेरजों खुरखानायखौं होबथानयनि खामानिखौं जोबोद गहाय थाखोनि जादौं होन्ना अजद दैखादौंमोन। दै सम्पद बिफाननि गोजौ थाखोनि बिबानगिरिफोरा थिकादारजों लोगो जानानै जिय' बेगनि गाहाइ थाखोनि खामानि मावनायाव बिफाननि 10 कौटि रांनि जिय' बेगखौं दैआ बुखारलाडे। दैज्लानि सिगां-सिगां बुर्लुबुथुरनि खुरखानाया ओन्सोलाव गिखंथाव महर लानायाव ओन्सोलनि थागिबिफोरा गिखंनय सोमजिदौं। बिफानआ पाक्कानि आरो औवानि पर्किउफाइन गारनानै खुरखानायखौं होबथानो नाजादौंब्लाबो गिखंथाव खुरखाबाय थानायाव ढकुवाकाना-माजुलीनि रैखाथि कबस सिसि-टेकेलिपुता माथावरिसिम गिखानाय लाबोदौं। खौरां बिजोडव थाद'नाय गैयै खौरां फोसावनायनि उनावसो जिल्ला बेंगिरिआ बिफानआरि बिबानगिरिफोरजों खुरखानाय ओन्सोलाव नायगिदि हैनानै थासारिनि खौरां लाहैयो। जिल्ला बेंगिरिआ ओन्सोलनि राइजोफोरनि दुखुआव दुखु जाफानानै थाबैनो ओन्सोलनि खुरखानायखौं होबथानो थाखाय गोखों रहा लागोन होन्ना खोथा होनायखौं नुनो मोनो।

12 मेआव गेरुवापार किर्तन न'नि गोदानै लुफुंनाय भवनखौं बेखेवगोन

भवानिपुर, 8 मे: भवानिपुरनि साखाथियावनो थानाय मुंदांखा जारिमिनारि सरुपेतानि गेरुवापार किर्तन न'नि गोदानै लुफुंजानाय भवनखौं फैगौ 12 मेआव मोनसे गोथार हाबाफारिनि गेजेरजों बेखेवनो थाखाय लाहार-फाहार खालामनायखौं नुनो मोन्दौं। मेहेर गोनां हाबाफारिनि गेजेरजों बेखेवनो नागिरनाय बे हाबाफारियाव साननि 7:00 रिगानिफ्राय धोरोमनि फिरफलाखौं बिरहोगोन,	7:30 रिगयाव फिरफला बिरहोगोन, 7:45 रिगानिफ्राय भागबत दावबायनायनि उनावनो 8:00 रिगयाव गोदानै लुफुंजानाय किर्तन न'नि गाहाइ दरजाखौं बेखेवगोन सुन्दरिदिया सत्रनि सत्र सामलायगिरि निर्मल अधिकारिआ। 8:30 रिगयाव गुरुनि मासिखौं गायसगोन गेरुवापार किर्तन बिपिन दासआ, सानसुनि	11:00 रिगानिफ्राय भागबत फरायनाय, 12:00 रिगानिफ्राय गेवलां सिबिनाय, 1:00 रिगानिफ्राय बिरनाम दिन्थिफुंनय, मोनाबिलिनि 6:00 रिगयाव आलारि बाथि फोजौनाय आरो 6:30 रिगानिफ्राय सिबियारिफोरनि मोनाबिलिनि आर'ज गावनाय जागोन होन्ना गेरुवार किर्तन न'नि सामलाय आफादनि आफादगिरि हरेकृष्ण शर्मा आरो नेहाथारि महेन्द्र तालुन्दारआ फोरमायदौं।
--	---	--

सासे आइजो रोजाबगिरिया 29 बोसोर बैसोआवनो देंखो मुलुगखौ नागारदों

आदित्य बिड़ला युपनि मासिगिरि कुमार मंगलम बिड़लानि फिसाजो अनन्या बिड़लाया लाइमोनफोरनि गेजेराव जोबोद मुंदंखा। बिथानि मेथाइफोरा फरायसालिमनि फरायसाफोर आरो लाइमोनफोरजों जोबोद मोजां मोनजायो। नाथाय बावैसो सिगां, अनन्या बिड़लाया सशेल मिडियायाव मोनसे पस्ट शेरार खालामदों आरो गावनि अनसायगिरिफोरनो खौरां होदोंद, दुखुनि जेनाआ बिथानि सायाव गाज्रि बानायदों। खालि अनसायगिरिफोरल नख बिथानि पस्टआ बलिउडनि मुंदांखा फावखुंगुर बबी देवल आरो



रोजाबगिरि आरमान मालिकनि गोसोखौबो सिफायदों। गुबैयै अनन्या बिड़लाया पस्टखौ शेरार खालामनाने फोसावदोंदि, बियो दा देंखो दारिमिनखौ नागारसिगोन। अनन्याया पस्टखौ शेरार खालामो आरो लिरदों 'लोगोफोर बयो जोबोद गोब्राब थिरांथा। आं ओरैबादि

बिन्दोआव सौहैबाय जेराव आनि थाखाय आनि फालांगि आरो देंखोखौ समानथि खालामनाया जोबोद गोब्राब। बयो आनि सायाव जोबोद गाज्रि गोहोम खोखैगासिनो दं। आं दासिम फोसावनाय गासैबो मेथाइफोरखौ जोबोद मोजां मोन्यानि थाखाय नोंथां बयखौबो साबायखर। आं आसा खालामो फैयाव थानाय समाव जों जॉनि गावनि सुबुंफोरजों बानायजानाय इंराजि

मेथाइफोरखौ बाख्नायगोन। मानोना जॉनि हादराव रंग थिनि जेबो आंखाल गैया। दा आनि गासैबो गोहोखौ फालांगियायि मुलुगाव बाहायनायनि सम। दायो अनन्या बिड़लाया रोजाबनायखौ नागारगोन आरो गावनि बिफानि फालांगिखौ सामलायगोन। बेजों लोगोसे अनन्या बिड़लाया इन्स्टायाव बे पस्टखौ शेरार खालामदों आरो लिरदोंमोनदि, बावगारनो हाये गोसोखांथिफोर, एसेबां अनन्यायनि थाखाय बयखौबो साबायखर। आधिखालाव रोजाबगिरिनि बे पस्टआ सशेल मिडियायाव जोबोद भाइरेल जागासिनो दं। लेगआ गावनि पस्टनि सायाव गोबां फिनजाथाय होदों। अनसायगिरिफोरजों लोगोसे, बलिउड स्टारफोरबो बिथानि थिरांथायाव दुखु मोन्या

नुनो मोनो। अनन्या बिड़लानि बे पस्टनि सायाव बिबुंथि होनाने, सानिया मिर्जाया लिरदों, नोंथांनो गोबां अनन्या, एनिमलनि मुंदांखा फावखुंगुर बबी देवलआ बेनि सायाव लिरदों, नोंथांनो नोंथानि जिउआव जायखिजाया खामानि मावो, इसोर नोंथांखौ बोरे हो। अनन्यानि मुंदांखा मेथाइफोरनि बाथ्रा बुडेब्ला बोसोर 2022 मायथाइयाव बिथानि मेथाइ 'तेरी मेरी कहानी' खौ इउटुबआव रिलीज खालामजादोंमोन। अनन्याया बे एलबामाव रोजाबनायजों लोगोसे फाव खालामदोंमोन। बेनि अनगायैबो, अनन्याया बावैसो बिद्या बालनि सावथुन 'दो और दो प्यार' आव 'जन्वती है दिल' मेथाइ रोजाबदोंमोन जायखौ सुबुंफोर जोबोद मोजां मोनो।

'मिसिं लेडीज' सावथुना सिगांगो भाइरेल जादों



मेट गाला 2024 आ मंगलबारनिफ्राय गोबां सावराय जागासिनो दं। सुबुंफोरनि बांद्राय बेसेन गोसा अवतारफोरा सशेल मिडियाआव गोहोम खोखैगासिनो दं। स्टारफोरखौ मोनसेनि बांसिन गान्नाय-जोमनाय नुनो मोन्या जादों, जायनि सावगारिफोरा भाइरेल जागासिनो दं। बे समावनो गुबुन मोनसे सावगारिया गोखैयै भाइरेल जानो हमदोंमोन। बे सावगारियाव मेट गालानि रेड कारपेटआव 'मिसिं लेडीज' नि बिबार नुनो मोन्या जादों। भाइरेल सावगारिखौ नितान्शी आरो आमिर खान प्रडाक्शन्सआ सशेल मिडिया हेन्डेलफोराव शेरार खालामदों, जेराव नितन्शी गयलआ मेट गालानि रेड कारपेटआव बिबारनि महाराव पज होदों। बिथानिआ गोजा साड़ी आरो शाल गान्दों, जायखौ बिथाड सावथुनाव गान्दोंमोन। बेखौ नुनाने नोंथांनो बुंगोनदि, बिसोरो थारैनो मेट गालानि बाहागो जाबाय नाथाय सैथोआ गुबुन माबाफोर जानो हागौ। गुबैयै बे सावगारिखौ फ'शप खालामनाय जादों। नितान्शीआ बे हाबाफारियाव बाहागो लायाखैमोन। सावगारियाव फ'शप खालामनाय बेगनि जाहोनाव बेयो मेट गालानि मोनसे बाहागो जाबाय। बे सावगारिखौ पस्ट खालामनाय समाव केषनआव लिरनाय दं, 'जॉनि बिबारआ समनि बागानाव बारदों। बेखौ खालि सावथुननि फोसावनायनि थाखायल' खालामनाय जादों। बे सावगारिखौ नुनायनि उनाव सुबुंफोरा मिनिथाव फिनजाथाय होदों। सासे सुबुड लिरदोंदि, दा बिबारआव गोमानो नाड'। बे समावनो गुबुन सासे सुबुड नितान्शीखौ बरायदों आरो लिरदोंदि, 'बयो बिबारनि थाखाय गोगाथाव बाथ्रा। बेबायदिनो गोबां सुबुंफोरा सावथुनखौ बाख्नायदों। नितान्शी गयलआ 'मिसिं लेडीज' नि गाहाइ फावखुंगुरमोन। हाबानि सान्नेसो उनाव बिथानिजोनि आखुआ ट्रेनाव गावनि फिसायनिफ्राय आलादा जायो आरो बेबायदिनो बिबारनि नागिरनाया जागायजेनो। सावथुना रंजाथाव आरो गोबां सोलौंथाइबो होयो। थियेटारफोराव फोसावनायनि उनाव, बेखौ आधिखालाव अटीटी प्लेटफर्म नेटफिलक्सआव रिलिज खालामनाय जादों।

रणभिर सिंहनि सिगां दीपिका पादुकणआ जुलनि सावगारिफोरखौ खोमोरदोंमोन

फावखुंगुर रणभिर सिंहनि अनसायगिरिफोरा मंगलबारव मोनसे गिदिर सोमोनंथाव जाथाय जादोंमोन, जेब्ला फावखुंगुरआ गावनि इनस्टाग्राम एकाउन्टनिफ्राय गावनि आरो दीपिका पादुकणनि जुलनि सावगारिफोरखौ खोमोरदोंमोन। जेब्लानो रणभिरआ बेबायदि खालामो अब्ला नंखाय रादाव ओंखारदोंदि, बिथाड जुलियाव सोलियाव थानाय जेनाफोरनि थाखाय बेबादि खालामदों जानो हागौ। बेयो दासिमबो रोखा नखदि, रणभिरआ गावनि सशेल मिडिया एकाउन्टनिफ्राय सावगारिफोरखौ अरायनि थाखाय बोखारबाय ना बेफोरो माखासे साननि थाखाय आकाइभ खालाम जानाय। बे समाव साननि गेजेराव गोरोबलायैनि सावरायनाया गोरोन्थि फोरमान जागासिनो दं मानोना सानैबो फावखुंगुरफोरा थार बेबीमुनखौ फालिगासिनो दं। मख'जाथावदि, रणभिर आरो दीपिकाया 3 बोसोर सिगां गावसोरनि इनस्टाग्राम एकाउन्टनिफ्राय गावसोरनि जुलनि सावगारिफोरखौबो डिजिटल खालामदोंमोन। 1 जानुवारि 2021 माइथायाव दीपिकाआ गावनि गासैबो



पस्टफोरखौ दोनखोमादोंमोन आरो इनस्टाग्रामआव मोनसे गोदान जागायजेनायनि इसारा होदोंमोन। फावखुंगुरिया बै समाव अनसायगिरिफोरजों मोनसे 'अडिअ डायरी' सेयार खालामदोंमोन आरो बुंदोंमोनदि, 'हेल बयखौबो आनि अदिय' डायरीआव बरायबाय, जाय आनि सानसि आरो मोन्दाथिफोरनि मोनसे रेकर्ड। आं रोखादि नोंथांनो बयबो आंजों गनायगोन 2020 माइथाया बयनिबो थाखाय रोखा नडै बोसोरमोन। नाथाय आनि थाखाय बेयो साबायखर बावनाय आरो नुजाथिनानयिनो बाथ्रामोन जेराव 2021 माइथायनि सोमोन्दे दं, आं खालि गावनि आरो बयनिबो थाखाय मोजां सावसि हास्थायनो हायो। गोदान बोसोरनि हामलायनाइ थाबाय। दीपिकानि सावगारिखौबो 'सिंधम एगेन' नि सेटनिफ्राय

फोसावनाय जादोंमोन जेराव फावखुंगुरिखो इडनिफर्म गान्नाय नुनो मोन्दोंमोन आरो बै समाव सुबुंफोरा बिथानि बेबी बाम्पखौबो नुदोंमोन। दीपिकाखौ थानाय बोसोराव मोन्ने सुपारहित सावथुनफोराव नुनो मोनदोंमोन। बेयाव शाहरुख खाननि 'जवान' आरो 'पाठन' दंमोन। आधिखालाव फावखुंगुरिया पाइपलाइनआव गोबां मावथांखिफोर दं। फावखुंगुरिया गावनि गोबांआव थानाय समखौ जोबोद रंजानायाव मुखुव आरो बे समावनो बिथाड गावनि फैनो गोनां सावथुन 'सिंधम एगेन' नि सेबखानायखौबो फोजोबगासिनो। बे सावथुनाव फावखुंगुरिया सासे आइजो पुलिस मावख'गिरिनि फावआव दं आरो बिथानि एक्शन स्टाइलखौ नुनो मोनगोन। अजय देभगान, करीना कापुर, अक्षय कुमार आरो टाइगर श्रफनि अनगायैबो फावखुंगुरिनि फिसाय रणभिर सिंहआबो दं।

गाहाम देहानि राहा

आनारसनि जुसआ ब्लाड सुगारनि लेबेलखौ कन्ट्रलआव दोन्नो हागौ



ब्लाड सुगारनि लेबेलआ सानसेयाव गोबां खेब सोलायो। फारसेथिं हाइपार ग्लेसिमिया एबा हाइ ब्लाड सुगारनि थासारिखौ मोजाडैनो नोजोर होनाया गोनांथार। मानोना थि समाव बेनि फाहामथाइखौ लानो हायाब्ला उननि समाव गिखंथाव महर लानो हागौ। डायबेटिस बेमारिफोर नेम-खात्थि बादिदै ब्लाड सुगारनि लेबेलखौ टेस्ट खालामबाय थानायनि गोनांथि दं आरो बेखौ कन्ट्रलआव दोन्नो नाजानांगौ। जर'खाफोरनि बादिब्ला, ग्लास 1 आव आनारसनि जुस लौनाय हुदाजों ब्लाड सुगारनि लेबेलखौ कन्ट्रलआव लाबो नो हायो। नेसनेल इन्सुलिनपर क्लिनिके ल इक्विसलेन्सनि बादिब्ला जानायनि सिगां ब्लाड सुगारनि लेबेलआ 4.0-5.9 एमएमएल/एलनि गेजेराव थानांगौ। नाथाय जर'खागिरिफोरा फोरमायनाय बादिब्ला, हाइ ब्लाड सुगारनि लेबेलखौ आनारसनि जुस लौनाय कन्ट्रलआव दोन्नो हायो। नायबिजिनानयनिफ्राय

बेबादि सुबुंफोरनाव सुगार लेबेलआ 4-7 एमएमएल/एलसिम थानो हागौ। बांसिन सुबुंफोरनि ब्लाड सुगारनि लेबेलआ जानायनि उनाव 7.8 एमएमएलनि गाहायाव थानांगौ। फारसेथिं टाइप 2 बेमारिफोरनि थाखाय ब्लाड सुगार लेबेलआ 8.5 एमएमएल/एलनि गाहायाव थानांगौ आरो टाइप 1 बेरामिफोरनि ब्लाड सुगारनि लेबेलआ 5-9 एमएमएल/एलनि गाहायाव थानांगौ। दा साननि मोनसे रिपर्टआव जर'खागिरिफोरा फोरमायनाय बादिब्ला, हाइ ब्लाड सुगारनि लेबेलखौ आनारसनि जुस लौनाय कन्ट्रलआव दोन्नो हायो। नायबिजिनानयनिफ्राय

मिथिनाय बादिब्ला ग्लास 1 आनारसनि जुसआ हाइ ब्लाड सुगारनि लेबेलखौ 15 मिनिटसिम बाडइ खालामनाने दोनो। बे नायबिजिनानयाव गोगो सुबुंफोरखौ थिसन्नाय जादोंमोन। जायफोर टाइप 2 एबा टाइप 1 डायबेटिस बेमारि जेबो गोहोम गैयामोन। जर 'खागिरिफोरा' नायबिजिनानयाव माखासे सुबुंफोरनो सिनि गलायनाय दै आरो माखासे सुबुंफोरनो आनारसनि जुस लौनाय होदोंमोन। बे नायबिजिनानयाव जर'खागिरिफोरा बे फिथाइखौ मोन्नो हायोदि, आनारसनि जुस लोडोब्ला ब्लाड सुगारनि लेबेलआ 15-30 मिनिटसिम बाडइ जायो।

63 साननि उनाव आदा शर्मानि 'बस्तर' आ जी5 आव स्ट्रीम जासिगोन



भिपुल अमृतलाल शाह, सुदीप सेन आरो आदा शर्मा 'दि केराला स्ट' 'री' नि उनाव मुंदांखा जादोंमोन आरो बे सावथुना मुलुगानाडैने कौटि-कौटि रां आर्जिनो हादोंमोन। बेनि उनाव बिसोर साथामबो सोलिफु बोसोराव मोनसे गोदान सावथुन 'बस्तर: द नक्सल स्टरी' रिलिज खालामो। नाथाय बे खेबाव बिथाड रोखोमसे गोहोम खोखैने हायाखै। आधिखालाव बानायगिरिफोरा 'बस्तर: द नक्सल स्टरी' नि थाखाय अटीटी रिलिजनि खालारखौ फोसावबाय।

सिनेमाहलफोराव रिलिज जाखानायनि उनाव नायगिरिफोरा सावथुन 'बस्तर: द नक्सल स्टरी' नि डिजिटल महैरे नायनो हासिगोन। बुधबाराव बानायगिरिफोरा मोनसे गोदान प्रम' फोसावानाने नायगिरिफोरखौ सोमो नांहोदोंमोन आरो बस्तरनि अटीटी रिलिजनि अकटखौ फोसावदों। 'बस्तर: द नक्सल स्टरी' आ अटीटी प्लेटफर्म जी5 आव सौहेगोन। बेनि ओथिया बेनोदि नायगिरिफोरा जी5 नि साब्सक्रिप्शन थानांगोन। 'बस्तर: द नक्सल स्टरी' नि

अटीटी रिलिजनि अकटनि बाथ्रा बुंब्ला, सावथुना 17 मे 2024 खालि डिजिटल प्लेटफर्मआव स्ट्रीम जागोन। नायगिरिफोरा बेखौ हिन्दी आरो तेलुगुआव नायनो हागोन। आदा शर्माया आइपिएस मावख'गिरि नीरजा माधवननि फाव खालामदों। बे सावथुना हादरनि मोनसे गोनांथार जाथायनि सल' फोरमायो। 2 घन्टा 4 मिनिट गोलाव 'बस्तर: द नक्सल स्टरी' खौ भिपुल अमृतलाल शाहनि सानशाइन पिक्चर्सआ बानायदों। जायखौ सुदीप' सेनआ दिथा होदोंमोन। 'बस्तर' आ 15 मार्च 2024 माइथायाव सिनेमाहलफोराव रिलिज जादोंमोन। साकनिलकनि बायदिब्ला, सावथुना हादराव गासै 3.5 कौटि रां आरो मुलुगानाडे 3.75 कौटि रां बुधुमदों। बे ओथियाव भिपुलशाहनि सावथुना बक्स अफिसआव फलप जादोंमोन।

राजकुमार राव आरो जान्हवी कापुरआ 'मिस्टार एन्ड मिसेज माही' नि फाव खालामगोन



'मिस्टार एन्ड मिसेज माही' नि गोदान पस्टारफोर ओंखारबाय। धर्मा प्रडाक्शन्सआ बुधबाराव राजकुमार राव आरो जान्हवी कापुरनि गाहाइ बिफाव लानाय जानो गोनां गेलेमु थुनफावथाय 'मिस्टार एन्ड मिसेज माही' नि मोनथाम गोदान पस्टार फोसावदों। शरण शर्माजों दिथा होजानाय बे सावथुनाव सानै गाहाइ आखुफोरनि गेजेरनि पस्टारव सानैबो गाहाइ आखुफोरनि सोमोन्देखौ नुनो मोन्दों। गिबि

पस्टाराव राजकुमार आरो जान्हवी सानैबो गावजों गाव मोगा-मोगि जानाने रंजानायजों होसिखावनाय नुनो मोन्दों। बिसोर गोसो गुदुं आरो रंजानायनि मुडआव थानायखौ नुनो मोनो। नैथि पस्टारआव सानैबो नायनयय समाव गोजोन्नाय बुब्लिफोर रानलायो। थामथि पस्टाराव सानैबो फावखुंगुरनि साइड प्रफाइलखौ मिनिनाय नुनो मोन्या जादों। जान्हवीआ गावनि इन्स्टाग्राम

हेन्डेलाव पस्टार शेरार खालामनाने केषनआव लिरदों, मिस्टार आरो मिसेज माहीजों लोगो हम, बिनि थाखाय जिउआ क्रिकेट आरो क्रिकेटआ जिउ आरो क्रिकेटनिखुडू बांसिन खालि श्री माहीयाल' गावनि अनजाथाव बिसिखौ मोजां मोनो। मिस्टार एन्ड मिसेज माहीआ 31 मेआव सावथुन नमाफेराव रिलिज जागोन। बेखौ शरण शर्माया दिथा होदों, जाय गावनि दिथा होनाय गिबि सावथुन 'गुन्जन सक्सेना: द कारगिल गर्ल' नि थाखाय

मिथिजायो। मिस्टार एन्ड मिसेज माहीआ जान्हवी आरो शरणनि गेजेराव नैथि क'लाव। थानाय सप्ताहयाव जान्हवीआ मुम्बाइआव इन्डियान प्रीमियर लीगनि मोनसे मेचआव 'माही' खौ फोसावदोंमोन, जाय कलकाता नाइट राइडर्स आरो मुम्बाइ इन्डियान्सनि गेजेराव जादोंमोन। बिथाड मेचनि गावनि मोन्दाथिनि नुथायफोरखौ फोसावदों। बिथाड कारआव लानाय मोनसे सेल्फीबो पस्ट खालामदोंमोन आरो केषनआव लिरदोंमोनदि, माहीनि डे आउट, मिस्टार माहीआ नोंखौ बैयाव मिस खालामदों। राजकुमार रावआ आधिखालाव गावनि फैनो गोनां सावथुन 'श्रीकान्त' नि फोसावनायाव मुखुव, जाय 10 मेआव रिलिज जागोन। सावथुनाव बिथाड सासे दारिमिनगिरि श्रीकान्त बल्लानि जिउनि सावगारि दिन्थिदों। बे सावथुना मोनसे बाय'पिक सावथुन जागोन।

गेम अफ थ्रोन्सनि फावखुंगुर केभान लेनिस्टारा केन्सारजों रुंसारि जाबाय



ब्रिटिश फावखुंगुर इयान गेल्डरआ 'गेम अफ थ्रोन्स' आव केभान लेनिस्टारनि फाव खालामनायनि थाखाय मिथिनाय जायो। बिथाड गोबाव समनिफ्रायनो लोमजानाने दंमोन। मख'नो गोनांदि, बिथाड केन्सारजों जुजिगासिनो दंमोन आरो बाइल डाक्ट केन्सारनि गोब्राबथिनि थाखाय रुंसारि जाबाय। 74 बोसोर बैसोआव इयानआ बे मुलुगखौ बिदाय होबाय। गेल्डरनि लोगो बेन डेनियल्सआ मंगलबारव मोनसे

रुंसारि जानायखौ रोखा खालामो। डेनियल्सआ लिरदोंदि, बेयो जोबोद दुखु आरो गिलिर गोसोजों 10 लाख बाहागोआव बोखावजानाय, आं आनि अनजाथाव फिसाय आरो जिउनि लोगोरि इयान गेल्डरनि रुंसारि जानायखौ फोसावनो थाखाय बे पस्टखौ होबाय। फावखुंगुरनि लोगोरिआ लिरदोंदि, इयानआ डिसेम्बराव बाइल डाक्टनि केन्सारजों मोगा-मोगि जानादोंमोन आरो मैया मोनानि 13.07 रिंगायाव

रुंसारि जादों। आं बिखौ जोथोन लानो थाखाय गासैबो खामानिखौ दोन्थ 'दोमोन नाथाय जोंनि गेजेराव रावबो मिन्थियाखैमोनदि बेफोर गासैबो एसेबां थाब जागोन। बिथाड आनि आबुं गोहोमोन आरो जों 30 बोसोरनि बांसिन समनिफ्राय बाहागोआरि जाबोदों। बिथाड अनसुला, गोसो गुदुं आरो मोजां मोनग्रा सुबुंमोन। पस्ट खालामनाय सावगारिखौ मख'नाने बिथाड आरोबाव बुंदोंदि, बे सावगारिखौ क्रिसमासनि समाव लानाय जादोंमोन जेब्ला आं बिथानि देहा फाहामसालिनिफ्राय बायजोआव लाबोदोंमोन आरो बिथाड गाजिसिन 3 हाबथानि गेजेरजों थादोंबलाबो नोंथांनो दाबो बेखौ खालामनो हागोन। बिनि रंजानाय आरो मोजां मोन्यायखौ जौनाय नाय। आनि अनजाथाव चियानिखौ जिराय।

लोगो आरिमुगिरिफोर आरो दारिमिननि लोगोफोरनिफ्राय मान बाउनाय आरो दुखु फोरमायो। गोबाडनो गेल्डरनि गोसोखांथिफोरखौ रानलायदों। मैट लैन्टरआ डेनियल्सनि थाखाय आरज गाबदोंमोन फारसेथिं, रिचर्ड ई ग्रान्टआ गेल्डरनि थानायखौ खहा बुंदोंमोन। लेन गेल्डरनि रोंग'थि आरो दुबुदआ बिथांखौ मुलुगनि नायगिरिफोरनि थाखाय मोजां मोनो गुबैयै 'गेम अफ थ्रोन्स' आव केवन लेनिस्टारनि बिथानि दिन्थिफुनायनि थाखाय। बिथाड गोबां टिथि सिरिजफोरावबो खामानि मावदोंमोन जेराव गोबां गुबुन मावथांखिफोरनि गेजेराव 'डक्टर हुन', 'सैच', 'फिफटीन-लव', 'कैजुअल्टी', 'एडवर्ड दा किंग', 'आइ थट इड गन' आरो 'हिज डार्क मेटेरियल' दंमोन।

भारतआ कानाडानि टुड' सरकारखौ गोख्रों रवजें थंखिनानै फिनजाथाय होदें

गोदान दिल्ली, 8 मे: भारत आरो कानाडानि गेजेराव सोलिनार जेनाया बांसिन जाबोगासिनो। भारतआ कानाडा सरकारनि सायाव हिंसानि फोर्बो फालिदों आरो बेनि मरिमान्डन खालामनायनि थाखाय उदाडै रेहाय होनानै दोन्दों होनानै दाय जाबसिन्दों। मिरु सरकारआ जास्टिन टुड' सरकारनिसिम खवलायदोंदि, बे क्राइम आरो अलगावबादी थत्यफोरखौ कानाडायाव हाबहोने नाइ। कानाडानि अन्टारिय मालटनआव खालिस्तान हे फाजाबगिरिफोरनि रबिबारखालि पेरड हाबाफोरनि उनाव मंगलबारआव भारत सरकारआ गोख्रों अजद होनानै नगर किरतन पेरडआ गिदिर जेनानि महर लाबाय होनानै बुडो। लोगोसेनो टुड' सरकारनिसिम बुंबावोदि, क्राइम आरो अलगावबादी थत्यफोरखौ कानाडायाव राजखास्थियारि आश्रय आरो रेखाथियै थानो




जायगा होनो नाइ। भारतनि गुबुन हादरयारि मावख'नि बुंथिगिरि रन्धीर जयसवालआ बुंदोंदि, भारतआ कानाडायाव गावनि डिप्लमेटिक थान्दफोरनि रेखाथिनि फार्से जिगा जानो हम्बाय। भारतआ कानाडानि सायाव बेखौनो आसा खालामदोंदि, बिसोरो जेबो गिनाय गैयालासे गावनि बिबानफोरखौ आबुं खालामनो हानायखौ रोखा खालामगोन। बिथाड बुंबावोदि, गावसोर गले-गले कानाडानि उतखारि थत्यफोरनि दिन्थिफुनायाव हिंसानि सावगारिफोर दिन्थिनायखौ लानानै जिगा

खालामदों। बिबो गावसिनि दावरावआव जॉनि बारग'गाहाइ मन्थिखौ बुथारनायनि हान्जा साजायो। थानाय बोसोरावबो मोनसे दावराव-दावसिआव बिसोरो बिब्दिनो खालामदोंमोन। हिंसानि फोर्बो आरो बिनि महिमामन्डन खालामनाया जायखि-जाया दिदोम समाजनि बाहागो जानो हाया। जयसवालआ फोरमायदोंदि, भारतीय डिप्लमेटफोरनि पस्टरफोरखौ गासै कानाडायाव लागायनाय जादों, जेराव बिनि हेंथा हिंसानि हुमखि होनाय जादों।

नासाया गावनि सुपार कम्पिउटरआव ब्लेक हलनि आबुं नुथाइ दिन्थिदों

गोदान दिल्ली, 8 मे: आमेरिकानि अखामा एजेन्सि नासाया गावनि सुपार कम्पिउटरआव मोनसे इमरसिभ भिजुयेलाइजेशन बानायदों, जाय जोंनो ब्लेक हलनि आबुं मोनसे नुथाइखौ दिन्थिगोन। नायगिरिफोर बेखौ नुनानै बेनि सावगारिखौ गोथौयै नायनो हागौ। नासानि गडार्ड स्पेस फ्लाइट सेन्टरनि अखामा बिजिसिगिरि जेरेनि स्निटमेनआ बिगियानगिरि ब्रायन पभेलजों लोगो नांना बे बिथांखिखौ दैदेंदों। बे प्रजेक्टआ डिस्कभर सुपार कम्पिउटरखौ बानायनानै गोबां बिबांआव डेटा बुधुमो। नासाया फोसावनाय सावगारिफोर मिबथिनो मोनोदि, बेयो मोनसे जोबोद गिदिर ब्लेक हल, जाय जॉनि आकाश गंगानि मिरुजों समान आरो बिनि सखावआ जॉनि साननिक्राय 4.3 मिलियन गुण



देरसिन। बुहुमनिक्राय 400 मिलियन माइल गोजानाव थानाय ब्लेक हलनि साखाथियाव सौहैनायाव नायगिरिफोर अखामानि समाव नाट'किय'सिनारिफोरखौ नुनो मोनगोन। खाथि-खालायाव गुदु गेसनि गिदिनाय दुलुरमुवा आरो बिनि हा बाहागोआव गोबां हाथरिफोरखौ जौखलाबनाय नुनो मोनो। बेखौ नुनाय समाव

बेबेबा फानहाउसन नुथाइखौ नुनाय बायदि मोन्दाथिगोन। नासानि केमेराया बै सोमोनांथाव नुथाइसिम सौहैनायाव 3 घन्टा सम लायो। नाथाय नायगिरिया बे केमेराया जायखि जाया समावनो बैसिम सौहैदों बायदि नुनो मोनो। बेनि जेसेबां खाथिसिनाव सौहैगोन एसेबोना केमेराखौ लासैयै खारलानाय बायदि मोनगोन आरो आबुडै

थाद'जासिमाव बेखौ खारबाय थानाय मोनो। केमेराया खाथिसिम सौहैनायाव हाथरिफोरनि सोरां आरो ब्लेक हलनि सोरगिदि गिदिनाय गेसफोरनि डिस्कखौ बांसिनै मोदान्नाय एबा जौखलाबनाय नुनो मोनो। जेरे रेस कारनि सोदोबा खाथियाव फैयोब्ला गोख्रेंसिन जायो बिब्दिनो बेवहायनो खोनानो मोनो।

एसएस राजामौलीया 'बाहुबली' नि फोसावनायाव जेबो रां बाहायाखैमोन



'बाहुबली' सावथुना सावथुन मुलुगाव ओरैबादि गोहोम खोख्लैदोंदि, जायखिजाया सावथुननि थाखाय बेजों बादायलायनो गोब्राब मोनो। सावथुननि मोजां सल', सावगारि सेवखानाय, ग्राफिक्स आरो सोमोनांथाव दिन्थिफुनाया बे सावथुनाव जाफु'सार होदोंमोन। सावथुनाव एसएस राजामौलीआ बेनि आन्दोआव दंमोन। बावैसो गावनि फैगौ एनिमेटेड सावथुननि सोमोन्दै रायज्जलायनायाव दिथागिरि एसएस राजामौलीआ बुंदोंदि, बिथाड 'बाहुबली' नि मोनैबो बाहागोखौ बानायनायाव बांसिन रां थिसन्दें नाथाय फोसावनायाव

लाथिख'रां बाहायदोंमोन। 'बाहुबली: क्राउन अफ ब्लाड' नि स्क्रिनिनि समाव राजामौलीआ सावथुन 'बाहुबली' नि सोमोन्दै खुलायै बुंदों। बिथाड बुंदोंदि, बे सावथुननि फोसावनायनि थाखाय रावबो फसंधानखौ रां होनो गनार्यथि होनाय जायाखैमोन। बेनि सोलायै आं सावथुननि गोबां भिडिअ' आरो डिजिटल पस्टर बानायनानै हम्बार्क खालामदोंमोन। जायनि जाहोनाव सावथुना बयनिखुइ साबसिन प्रमशन मोन्दोंमोन। सावथुन 'बाहुबली' नि मोनै बाहागोखौ फोसावनाय जादों। बे मोनैबो बाहागोआ रिलिज

जानाय लोगो लोगो बक्स अफिसआव गोबां रां आर्जिदोंमोन। रिपर्टफोरनि बायदिब्ला, मोनैबो सावथुननि बेसेना 430 कौटिसो मोन। बे समावनो, 'बाहुबली' नि गिबि बाहागोआ 600 कौटि आरो नैथि बाहागोआ 650 कौटि रां आर्जिदोंमोन। थमहिना, मोनैबो सावथुना फ्राय 2500 कौटि खामायदोंमोन। राजामौलीआ बे सावथुननि एनिमेटेड सिरिज 'बाहुबली: क्राउन अफ ब्लाड' नि थाखाय गिबि खौरांआव दं। बेयो 17 मेआव डिन्नि हटस्टयार स्ट्रीम जागोन, जायनि मावख'आरि फोसावनाया हटस्टयार आरो राजामौलीआ सशेल मिडियायाव खालामदोंमोन।

वर्ल्ड काप क्वालिफायरनि सायख'जाथावना फारिलाइआव झिंगनआ जायगा मोनारखै

गोदान दिल्ली, 8 मे: भारतीय सिनियर हौवा हान्जानि गाहाइ कच इगर स्टिमैकआ गिबि खोलोबनि थाखाय नेसनेल के म्पनि फारिलाइखौ फोसावखानायनि उनाव नैथि खोलोबनि सा 15 गेलेगिरिफोरनि फारिलाइखौबो फोसावबाय। गासै सा 41 सायख'जाथावना बिथांमोनहा कुचेत आरो काठारनि हेंथायै फिफा वर्ल्ड काप 2026 नि प्रिलिमिनारि जइन्ट

एयार इन्डिया एक्सप्रेसआ कु मेम्बार्नि आंखालआव फ्लाइटफोरखौ केन्सेल खालामनादों

गोदान दिल्ली, 8 मे: टाटा ग्रुपनि एयारलाइन कम्पनी एयार इन्डिया एक्सप्रेसआ गावनि माखासे फ्लाइटफोरखौ जोबथा समाव केन्सेल खालामदों। एयारलाइनआ सालायग्रा एबा पायलट हान्जानि सोद्रोमाफोरा बाडइ जानायनि जाहोनाव बे थंखिखौ लानो गोनां जादों होन्ना फोरमायदों। कम्पनीनि सासे बुंथिगिरिया बुधुबाराव फोरमायदोंदि, जोबथानाय समाव सालायग्रा हान्जानि गोबां सोद्रोमाफोरा बेरामाव गोलैना थानायनि खौरं मोन्नायनि उनाव फ्लाइटफोरा थि समनिक्राय गोबावजों खारदों आरो माखासेफोरखौ केन्सेल खालामनादों। सुलुंनि बायदिब्ला, सालायग्रा हान्जानि गोबां सोद्रोमाफोरा टाटा ग्रुपनि गावयारि उरां जाहाज कम्पनीयाव जेना गोनां नेम-खाथिनि हेंथायै अजद दैखानाय महराव गावसोरखौ बेरामाव गोलैदों होन्ना खौरं होदों। थानाय माखासे समनिक्रायनो जर'खायै



एआइएक्स कानेक्टनि एयार इन्डिया एक्सप्रेसजों रादाय खानायनि हाबाफारिया जागायनायनि उनाव बेनि सालायग्रा हान्जानि माखासे सोद्रोमाफोरा गोजेन्नाय मोनाखैमोन। सुलुड बुंबावोदि, समबार मोनानिक्रायनो माखासे उरांनि मावफारियाफोरा गावसोरखौ बेरामाव गोलैनायनि उनाव खौरं होदों आरो डिउटि खालामनो फैयाखै। सालायग्रा हान्जानि सोद्रोमाफोरा थोजासे अन्जिमानि नुजाथिफैयैआव

एयार इन्डिया एक्सप्रेसआ कच्चि, कालिकट आरो बंगालुरुजों लोगोसे गुबुन गुबुन उरां गाथोनसिम थानो गोनां फ्लाइटफोरखौ केन्सेल खालामनो गोनां जादों। थानाय

दानफोराव एयार इन्डिया एक्सप्रेस कबिन कुनि मोनसे हान्जाखौ दैदेनग्रा मोनसे इडनियनआ दाय जाबसिन्ना बुंदोंमोनदि, एयारलाइननि सामलायथाइ खास्थिया जेना

गोनां जाबोगासिनो दइ आरो मावफारियाफोरखों समानै आखु दिन्थिनाय जायाखै। एयार इन्डिया एक्सप्रेसआव बेबायदि जेनाया टाटा ग्रुपनिनो एयारलाइन बिसतारानि पायलटफोरनि जेना नुजाथिनायनि 1 दान उनाव नुजाथिदों, जायनि जाहोनाव बेयो गावनि केपासिटियाव 10 जौखोन्दो एबा सानफ्रोमबो गं 25-30 उरांफोरखौ केन्सेल खालामनो गोनां जादों। मख'जाथावदि, टाटा ग्रुपआ एयार इन्डिया एक्सप्रेस आरो एआइएक्स कानेक्टजों लोगोसे बिसतारानि एयार इन्डियाआव रादाय खालामनो थंगासिनो दइ।

माखासे राइज्योफोराव दुंखावनाय-निफ्राय अखाजों एसे रेहाय मोनगोन

गोदान दिल्ली, 8 मे: दुंखावनाय आरो जोबोद गरमजों दिल्ली एनसिआरनिफ्राय लानाने उत्तर प्रदेशनि सुबुंफोर दासिमबो जेबो रेहाय मोन्नाय नडा। सान्जोफुनि समाव बिदुंखौ 40 निफ्राय जौसिने दैखानो मोन्नाय जादों। बोथोर बिफाननि गोदान आपडेटनि बादिब्ला, दरथाम राइज्योफोराव दुंखावनायनि थासारिआ सोलिबाय थागोन आरो सा-सान्जा राइज्योफोरनि गेजेराव माखासेआव फैगौ माखासे सानफोरसिम अखा हागोन। बिफानआ फोरमायोदि, राजस्तान, मध्य प्रदेश आरो कर्नाटक राइज्योआ दिने दुंखावनाय थासारिजों भुगिनांगासिनो दइ। राजस्तानआव 9 मेसिमआव आरो मध्य प्रदेशआव 10 मेसिम दुंखावनायनि थासारिआ सोलिबाय थागोन। बेनि गेजेरजों फैगौ 14 मेसिमाव सा-सान्जा राइज्योफोर अरुनाचल प्रदेश, आसाम, मेघालय, नागालेण्ड,



मनिपुर, मिजoram आरो त्रिपुरयाव सरसन्धानिक्राय गेजेर थाखोनि अखा हागोन। लोगोसे अखा मोफ्लामनाय, सारअन्थाय गावनायजों लोगोसे गोख्रों बार बारनो हागौ। बेनि अनगायै 10 आरो 11 मेआव अरुनाचल प्रदेश, आसाम आरो मेघालयआव गोबां अखा हागोन। बेराफार्स 9-10 मेसिमआव उरिष्या, सोनाब बंग आरो सिक्किमआव जोमै साग्लोबगोन। बिफाननि बादिब्ला, फैगौ 10 मेसिम बिहार, ढारखन्ड आरो उरिष्याआवबो गरमनिक्राय रेहाय मोनगोन। अदेबानि अखा

खोरोमनायजों लोगोसे अखा हानायजों सुबुंफोरनि जेनाया बाडो। महारास्ट्रआव दिने सारअन्थाय गोलैनो हागौ। बेनि अनगायै तामिलनाडु, पुडुचेरि, अन्ध्र प्रदेश, तेलंगाना, केरला आरो कर्नाटकआव 12 मेसिमआव जुब-जुब अखा हागोन। जोबोद गरमनि गेजेरजों बोथोर बिफानआ दिल्लीनि नोगोरिफोरनि थाखाय रेहाय गोनां खौरं होदों। बेयाव फैगौ 10-13 मेनि गेजेराव अखा हानो हागौ। बिफानआ बे सप्ताहआव दिल्लीनि बिदुड जौसिन एबा 40-42 डिग्रीसिम बांहोन होन्ना नै फोरमायदों।

आमेरिकाया इज्राइलनि हेंथायै गिदिर थंखि लादों

वाशिंगटन, 8 मे: गाजानि बयनिखुइ मुंदांखा सहर रफायाव इज्राइल सान्थिनि कन्ट्रल गाइसन्नायनि उनाव बेयाव गाग्लोबनायनि सन्देह'आबो बांदों। इज्राइल सान्थिना गावसोरनि हेफाजाबगिरिफोरनि सुबुनखौ नेवसिगारनानैबो गाग्लोबनायखौ जागायनो हागौ। बेबायदियाव आमेरिकाया इज्राइलनि हेंथायै गोख्रों थंखि लादों। बेजों इज्राइलनि पिपम बेन्जामिन नेतन्याहुआ बागदावखानो हागौ। सुलुडव फोरमायनाय बायदिब्ला, आमेरिकाया गावसोरनि थंखिनि हेंथायै गाजानि रफा सहरव गोबां अन्जिमानि गाग्लोबनाय इज्राइलनि थंखिखौ लानानै जिगा सिनाय फोरमायनो थाखाय थानाय सप्ताहयाव



इज्राइलनो दैथाइहरनो गोनां बमनि खेपखौ होबथादों। सासे गाजानि बिबानगिरिया मंगलबारखालि बेनि खौरं होयो। बिथाड खेपआव गासै 200 पाउन्ड लिस्थाइनि 1800 बम आरो 500 पाउन्ड लिस्थाइनि 1700 बम दैथाइ

हरनांगौमोन होन्ना फोरमायदों। एसेबां गोबां बिबानि बेरफुग्रा बेसादफोरखौ गोबां थागिबिफोर थानाय ओन्सोलफोरव बाहायनो हागौ होन्ना आमेरिकाआ जिगा सिनाय फोरमायदों। बेराफार्से हवाइट हाइसनि फारसेनिक्राय माखासे दानसिम अजद

दैखसेयावबो इज्राइलनि सरकार रफयाव दखल खालामनो थियारि खालामगासिनो दइ; जायनि उनाव एप्रिल दानाव आमेरिकानि हादतगिरि ज'बाइडेनि खुंथाया इज्राइलनो इयुनाव सान्थियारि हेफाजाब दैथाइ हरनायनि हाबाफारिखौ जागायो।



जोखोम मोन्दोंमोन। नेसनेल के म्पनि थाखाय गिबि खोलोबनि सा 26 सायख'जानाय गेलेगिरिफोर 10 मेनिक्राय प्रेक्टिसखौ जागायगोन आरो नैथि खोलोबनि थाखाय सायख'जानाय गेलेगिरिफोर 15 मेनिक्राय बाहागो जाहैगोन। मख'नो गोनांदि, बिसोर गेलेगिरिफोरा मुम्बाइ सिटि एफसि आरो महन बागान एससिन जानानै आइएसएल काप गेलेदोंमोन।

राजस्तान र्खेल्स आरो दिल्ली केपिटेलसआ जुथायै गोदान जारिमिन सोर्जि

गोदान दिल्ली, 8 मे: सोलिफु आइपिएलआव दिल्ली केपिटेलस आरो राजस्तान र्खेल्सनि गेजेराव खेबसे बादायलायनाय मेचआ दिल्लीनि अरुन जेटली स्टेडियमआव जानाने थाडो। बे मेचआव दिल्लीनि हान्जाया राजस्ताननि हान्जाखौ फेजेन्दो। नाथाय बे मेचनि उनाव मोननैबो हान्जाया मोनसे जारिमिन थिसन्दो। जेराव बे मोननै हान्जानि सिगां आइपिएलआव मोनबो हान्जायानो बेबादि जारिमिन थिसन्दो हायाखेमोन। राजस्तान आरो दिल्लीनि हान्जाया बे मेचआव 200 नि बांसिन रान लाखिदो। आइपिएलनि 17 बोसोरनि जारिमिनआव बे मोननै हान्जाया खेब जिथाम 200 राननि बांसिन रान लाबाय। बेनि सिगां 2023 आव बे मोननै हान्जाया खेब 12 जुथायै 200 राननि बांसिन स्कर लादो। बे रेकर्डखौ सिफायनाने बे मोननै हान्जायानो गोदान जारिमिन थिसनबावबाय। 2022 आव खेब 5 मेचआवले' मोननैबो हान्जाया खेबसे मेचआवनो खेबबा 200 राननि बांसिन रान लाखिदोमोन। 2008, 2010,



2018 आरो 2020 नि बाथा बुडोब्ला बे बोसोरबै आव खेबबैल' मोननैबो टीमआ खेबसे मेचआव 200 नि बांसिन रान स्कर खालामदोमोन। 2014 आरो 2021 आव बेबादि रान लानाया खेबथाम थिसनजादोमोन। बेनि सिगां 2011, 2012 आरो 2016 आव खेबसेल' मोननैबो हान्जाफोर 200 राननि बांसिन स्करखौ दांनो हादोमोन। नाथाय आइपिएलनि जारिमिनआव माखासे सिजनआव मोननैबो हान्जाया मेचआव 200+ रान लानो हायाखै। बे मोननै हान्जाया फारियै 2009, 2013 आरो 2019 आव बेबादि रान लानो हायाखै। मेचनि बाथा बुडोब्ला राजस्ताननि केपेन सन्जु सेमसनआ टसआव देरहानानै दिल्लीखौ गिबियै बे टिं खालामनो लंहरदोमोन। बे

समाव दिल्लीनि हान्जाया 20 अभासआव 8 उइकेटजो 221 रान लादोमोन। जायनि फारिआव जेक प्रेजारआ 50 आरो अभिषेक परेला 65 रान लादोमोन। बिथानि अनगायै ट्रिस्सन स्टस्सआबो 41 रान लादो। बेनि फिन्नायआव 222 रानसिम सौहैनायाव राजस्तानआ फेलें जायो आरो 200 रानखौ बारहैनायावनो फेलें जायो। मख'नो गोनादि, बे समाव हान्जानि गेलेगिरि यशस्वी जयसवालआ 2 आरो जश बटलारआ 19 रान लानानैनो पेभिलियनसिम गिदिबोनाडो। नाथाय थामथि नम्बरआव ओंखारनाय के प्तेन सन्जु सेमसनआ 86 राननि इनिंस गेलेनायै देरहागोननि मिर्जिंथि लाबोदोब्लाबो मिडिल अडरआव रावबो गेलेगिरिनि मदद मोनाखै।

अलिम्पिकनि थाखाय क्वालिफाइ जानाय भारतनि हौवाफोर आरो आइजोफोरनि रिले हान्जानि हान्थिनाया थुलुंगा गोनां

गोदान दिल्ली, 8 मे: साब्रै हौवा आरो साब्रै आइजो गेलेगिरिफोरनि खारया हान्जाफोरनि क्वालिफाइ जानाया भारतनि मिर्जिंखौ आरोबाव गोखौंसिन खालामदो। बिसोर गेलेगिरिफोरा बाहामासनि नासौआव जालानाय वर्ल्ड एथलेटिक्स रिलेआव गावसोरनि क्वालिफाइ हिटआव नैथि मासिआव जायगा आवग्रिनानै अलिम्पिकआव क्वालिफाइ जाबाय। सासे बिथानि सिमांखौ जाफुहोनो थाखाय के रियारनि जागायजेन्नायाव आगान होजेन्नाय आरो जिउ हान्थिनायाव गोबां जेनाजो नाजाबोनायनि जाउनाव क्वालिफाइ जानाय हान्जानि माखासे गेलेगिरिफोरनि जिउ जारिमिनआव गोबांनि गोसोआव गुबु गुबुन थुलुंगा लाबोनो हागौ। भारतनि बे मोननै हान्जाया पेरिस अलिम्पिकनि थाखाय क्वालिफाइ जाबाय। आइजोफोरनि हान्जायाव एमआर पुभम्मा, रुपाल चौधुरी, सुबा भंकेटसन आरो ज्यति दान्डीनि जिउ जारिमिनआ



गोबांनि गोसोआव थुलुंगा लाबोयो। एमआरआ 2021 आव डर्पि केसनि थाखाय 2 बोसोर बेन खालामजादोमोन। एसियान गेम्स 2014 आरो 2018 आव सिंगेल 400 मिटर आरो 4x400 रिलेआव मेडेल देरहानाय 33 बोसोरनि एमआरआ बेनि उनाव थानाय बोसोरगव गवा नेसनेल गेम्सआव बाहागो जाफिन्नायनि उनाव

गावनि नाजानायखौ गोखौंसिन खालामनानै अलिम्पिकनि थाखाय क्वालिफाइ जानाय बिहोमा जगायदो। 19 बोसोर बैसोनि रुपलआ कलम्बियाआव जालानाय 2022 नि वर्ल्ड आन्डार 20 एथलेटिक्स सेमियनसिपआव गने मेडेल देरहादो। बिथाडा बे समाव 4x400 मिटर रिलेआव सिलभार आरो सिंगेल 400

मिटरआव ब्रन्ज मेडेल देरहानाय गिबि भारतीय एथलीट जानो हादोमोन। उत्तर प्रदेशनि मेरुट जिल्लानि शाहपुर जैनपुर गामियाव जोनोम मोन्नाय रुपलआ सासे आबादारनि फिसाजो महैर गावनि केरियारनि जागायनायाव गोबां जेनाजो मोदा-मोगि जानादो। बेबादिनो सुबानि जिउ जारिमिनआबो थुलुंगा गोनां। जेराव बिथाडा

पुलिस बिफानआव हाबा मानवाय बिबौनि थुलुगायावसो दिनेसिम बे थाखोआव सौफेदो। हौवाफोरनि केटेगरिआवबो महम्मद अनवास, अमज जेकब, आरकिया राजिबनि जिउ जारिमिनआबो हादरनि गोबां लाइमोनफोरखौ थुलुंगा होयो। गाहाइ रंखान्थियारनि जेनाजो मोगा-मोगि जाबोनायनि गेजेरजोसो बिसोर गेलेगिरिफोराबो गावसोरखौ सिनायथिनो हादो। महम्मदआ 400 मिटरआव हादरनि टप खारया आरो नेसनेल रेकर्ड हल्लार महैर अलिम्पिकआव बाहागो लागोन। केरेलानि महम्मद आजमलआ गावनि राइज्योनि माखासे लाइमोनफोर बादिनो सासे फुटबलारमोन। नाथाय उननि समाव बिथाडा गावनि केरियारखौ सोलायनानै ट्रेकनि फासै मुखुब खालामदो।

टी-20 वर्ल्ड कापनि सिगां भारतीय हान्जानि सानै गेलेगिरिनि गेजेराव सेलेन्ज फेदो

गोदान दिल्ली, 8 मे: भारतीय क्रिकेट हान्जानि गेलेगिरिफोरा आइपिएलनि उनाव थोडोडे टी-20 वर्ल्ड कापआव बाहागो जाहैगोन। बे टुरनिमेन्टनि थाखाय सा 15 सोदोमोनि भारतीय हान्जाखौ सिगांनि समावनो सायख'खाबाय। भारतनि हान्जायाव सायखजानाय सा 15 गेलेगिरिफोरा सोलिफु आइपिएलआव गोखोडै दिन्थिफुगसिनो दड। जायनि गेजेरजो बिथामोनहा टी-20 वर्ल्ड कापआव प्लेइ 11 नि थाखाय केपेन रहित शर्मानि अन्जाथावनो गेलेगिरि जानो नाजागोन। बेबादि थासारिआव प्लेइ 11 नि मोनसे पजिसननि थाखाय सानै गेलेगिरिफोरनि गेजेराव गोखौ सेलेन्ज मोनज्जानायखौ नुनो मोन्दो। जायनि सायाव फैगौ माखासे साननि गेजेराव भारतनि केपेन



रहित शर्माआ थि खालामगोन। टी-20 वर्ल्ड काप 2024 नि थाखाय भारतनि स्क्वाडआ उइकेट कपार ऋषभ पन्त आरो सन्जु सेमसनखौ जायगा होनाय जादो। नाथाय प्लेइ 11 नि थाखाय केपेन रहितनि मोजां मोन्नाय गेलेगिरिआ सोर जागोन बेखौ सायख'नाया गोब्राब जानो हागौ। धनीनि उनाव ऋषभ पन्तआ भारतीय हान्जानि फास्ट उइकेट कपार सइस जानानै दड। नाथाय गारिनि जाब्रथायनि जाउनाव बिथाडा भारतीय

हान्जानि थाखाय मोनबो मेच गेलेयाखै। पन्टनि बाहागो जायैआव गोबां बुब्लिआव सन्जु सेमसनआ गेलेनायनि खाबु मोन्दो। नाथाय बिसोर सानै गेलेगिरिफोरा सोलिफु आइपिएलआव गावसोरनि रंगथिखौ साबसिने दिन्थिफुनो नाजागासिनो दड। सेमसननि थाखाय गोबाडानो बिथानि हेंथायाव कन्टेस्टेन्ट गैया होन्ना बुंगसिनो दड। मानोना बिथाडा सोलिफु समाव मोजाडे रां लागसिनो दड। सन्जुआ

सोलिफु सिजननि खेब 11 मेचफोरव 67.29 जौखोन्दोजो 471 रान लाबाय। बे समाव बिथानि स्ट्राइक रेटआ 163.54 आव थाहैयो। जायनि फारिआव बिथाडा खेब 5 हाफ सेन्सुरिनि बांसिन रानबो लादो। बेबादि थासारिआव सन्जुनि फर्मआ फास्ट उइकेट कपार सइसनि फारिआव नोजोर गोरलैयो। ऋषभ पन्तआबो 2022 नि जोबनायाव माखासे मेच गेलेदोमोन। बिथाडा गावनि बाहागो जाफिन्नायजो सोलिफु आइपिएलआव लान्थियै रान लानानै बयखौबो गोमो होदो। मानोना बिथाडा दासिमाव गेलेनाय खेब 12 मेचफोरव 41.30 नि जौखोन्दोजो 413 रान लाबाय। बे समाव पन्टनि स्ट्राइक रेटआ 126.44 आव थाहैयो। जेराव बिथाडा खेबथाम हाफ सेन्सुरिबो लानो हादो।

मनिका बत्राआ वर्ल्ड रैंकिंगआव नैथि नम्बरनि बादायारिखौ फेजेन्दो

गोदान दिल्ली, 8 मे: पेरिस अलिम्पिकनि सिगांनो भारतनि स्टार आइजो टेबल टेनिस गेलेगिरि मनिका बत्राआ सौदि स्मेश टुरनिमेन्टआव गोखोडै दिन्थिफुनो हादो। बिथाडा बे समाव वर्ल्ड रैंकिंगआव नैथि मासिआव जायगा मोन्नाय चीननि वां मान्यखौ फेजेन्नानै गावनि सिंगेल केरियारनि गेजेराव गिदिर जाफुनायजो फ्री क्वार्टर फाइनालाव सौहैयो। वर्ल्ड रैंकिंग आव 39 थि मासिआव जायगा मोन्नाय मनिकाआ चीननि नैथि रैंकिंगनि बादायारिनि हेंथायै 37 मिनिटसिम सोलिनयाय मेचआव 6-11, 11-5, 11-7, 12-10 स्करजो फेजेन्दो। मनिकाआ टकिय अलिम्पिक आव हान्जायारि सनानि मेडेल देरहानाय आरो 2021 वर्ल्ड सेमियननि हेंथायै जागायजेन्नाय मेचआव जेन्दोमोन। नाथाय बिथाडा उननि खेबनै सेटआव देरहानानै



आवगायफिनो आरो ब्रैथि सेटआव गोखौ सेलेन्ज मोन्दोब्लाबो गावनि आदोबजो बेरेखा बादायारिखौ फेजेन्दो। रैंकिंग मोनै मनिकाआ थानाय रबिबारखानि रमानियानि एन्डिया ड्रेगमेनखौ फेजेन्दोमोन। बिथाडा जोबथा 16 आव जार्मनि 14 थि रैंकिंगनि बादायारि मिना मिट्टेलआमजो बादायगोन। भारतनि 28 बोसोर बैसोनि मनिकाआ खौरां गिरिनि सौंथिआव बे दोरहानायखौ गावनि सिंगेल केरियारनि देरसिन जाफुनायनाय फोरमायो। लोगोसे टप रैंकिंगनि बादायारिनि हेंथायै गावनि देरहानायखौ जेराव

फोरमायनानै गावनि कच अमन बालगु आरो गावनि मददगिरिफोरनिसिम साबायख'र हरो। बिथाडा बेबादि जाफुसारनाय मोन्ोब्ला गोब्राब नाजानां गौनि थासारिखौ फोरमायनानै गावनि हान्थिनायाव अन्सायगिरिफोरनि फोथायनाय लाखिनायखौ साबायख'र हरो। लोगोसे बे फर्मखौ उननि समाव लाखिलांनो नाजागोननि फोथायथि होयो। मिक्स डबल्सआव हरमीत देसाइ आरो यशस्वीनी घरपडेआ अल्भार' रबालस आरो मारिया जिअनि स्पेननि बाथि रैंकिंगनि जराखौ 3-2 स्करिआव फेजेन्नानै क्वार्टर

फाइनालाव सौहैदो। भारतनि जराआ बेनि सिगां सिलीनि निकलास बर्गस आरो पलिनो वेगानि जराखौबो 3-2 स्करआवनो फेजेन्दोमोन। एसियान गेम्सआव ब्रन्ज मेडेल देरहानाय अयहिका आरो सुतिर्था मुखाजोनि जराआ मारियाम आरो माका अल्हदाबीनि जराखौ 3-0 स्करआव फेजेन्दो। थानाय माखासे सान सिगांसो मनिकाखौ गाखलायनानै टप रैंकिंगनि भारतनि आइजो सिंगेल गेलेगिरि जानो हानाय श्रीजा अकुलाआ नाथाय पर्तुगालनि जेनी साहनजो जेन्नाडो।

इउत्पसिम दावबायनायाव भारतीय आइजो हकी हान्जानि केपेन महैर ज्यतिआ बिबान लागोन

गोदान दिल्ली, 8 मे: भारतीय आइजो हकी गेलेगिरि ज्यति सिंहआ फैगौ 21-29 मेनि गेजेराव जानो गोनां इउत्पसिम दावबायनायनि थाखाय हादरनि सा 22 सोदोमोनि जुनियर आइजो हकी हान्जायाव



के प्तेननि थाखाय सायख'जाबाय। गुबुन फासै बे समाव मिड फिल्डार साक्सि रानाआ लेडाइ के प्तेनआव थागोन। भारतीय हान्जाया बेल्जियाम जार्मानी आरो नेडारलेन्डनि मोननै क्लाबफोर

फारियै ब्रेडेस हकी भेरिनाइजिं पुश आरो अरेन्जि रुडजो खेब 6 मेच बादायगोन। ज्यतिआ खौरां गिरिनि सौंथिआव हान्जायाव होजानाय थियारि जानायखौ फोरमायनानै गावजो-गावनि गेजेराव मोजां खोसैथि

थानायखौ फोरमायदो। गावसोरनि हान्थिनायाव गोखौ थुलुंगाजो मोनसे मोजां गोहोनि हान्जा दानो हानायखौ फोरमायदो। लोगोसे गुबुन हादरआव टप हान्जाफोरनि हेंथायै गेलेनायनिफ्राय गोबां सोलो-नो


मोनगोनखौ फोरमायो। भारतआ 21 मेखालि ब्रेडेस हकी भेरिनाइजिंजो गिबि मेच गेलेनायनि उनाव 22 मेखालि ब्रेडाआवनो बेल्जियामजो बादायगोन। बेनि उनाव 24 मेखालि बेल्जियामआव बान्जायगिरि हान्जाजो सेलेन्जआव ओंखारनाय उनाव जार्मानीजो 26 मेखालि ब्रेडाआव आरो 27 मेखालि जार्मनि सेलेन्जआव ओंखारगोन। बेनि उनाव फैगौ 29 मेखालि ब्रेडाआव अरेन्जि रुडजो जोबथा मेच गेलेगोन। भारतीय हान्जानि गेजेराव गल कपार महैर आदिति महैस्वरि आरो निधीआ सायख'जादो। डिफेन्डरनि फारिआव केपेन ज्यतिनि अनगायै अन्जली बरुवा, फुजा शाहु, ममिता अरम, निरु कुल्लु आरो लालथान्तुलुआंगीआ जायगा मोन्दो। मिडफिल्डारनि फारिआव के सनियानि अनगायै रन्जि खेरखेता, प्रियंका यादव, के शिलेमा चानु, साक्षि राना, अनिषा शाहु आरो सुप्रिया कुजुरनि मुडा दड। फरवार्डनि फारिआव बिनिमा धन, हिना बान, लालरिपुइ, इसिका, सन्जना हर', सनम आरो कनिका सिवासनि मुडा जायगा मोन्दो।

निरज चप्राया 3 बोसोरनि उनाव गिबि स्वेबनि थाखाय नख'रारि बादायलायनायाव बाहागो लागोन



गोदान दिल्ली, 8 मे: अलिम्पिक आरो वर्ल्ड चेम्पियन जेभलिन खुबैग निरज चप्राया 12 निफ्राय 15 मेसिम भुवनेश्वरआव जानो गोनां नेसनेल फेडरेशन कापआव गावनि बाहागो लागोनखौ रोखा खालामदो। बेयो गिबि खेब जागोन, जेराव बिथाडा 3 बोसोरव गिबि खेबनि थाखाय नख'रारि बादायलायनायाव बाहागो लागोन। 26 बोसोर बैसोनि गेलेगिरिया 10 मेआव दहायाव मुंदांखा डायमन्ड लीग सिरिजनि गिबि लीगआव गावनि सिजनआव आगान होजेन्नायनि उनाव भारतआव सौफेनारनि आसा द। एथलेटिक्स फेडरेशन अफ इन्डियानि बायदिल्ला, निरज चप्रा आरो किशर कुमार जेनाया 12 मेनिफ्राय भुवनेश्वरआव जानाय इन्टेलिजेन्स इभेन्टआव बाहागो लागोन। निरजनि कछ क्लाउस बाटोनिटजआबो रोखा खालामदोदि, स्टार एथलीटआ भुवनेश्वरआव जानाय हाबाफारियाव बाहागो लागोन। 28 बोसोर बैसोनि किश'र जेनाआ हंजौ एसियान गेम्सआव निरजनि उनाव नैथि थाखोआव थादोमोन आरो 10 मेआव दहा डायमन्ड लीगआवबो बाहागो लागोन। निरजया जोबथा खेब 17 मार्च 2021 माइथायाव नख'रारि

बादायलायनायाव बाहागो लादोमोन, जेराव बिथाडा 87.80 मिटर खुबैनानै सनानि मेडेल देरहादोमोन। निरजया बेनि उनाव टकिय अलिम्पिकआव जारिमिनारि सनानि मेडेल देरहादोमोन। बिथाडा 2022 माइथायाव डायमन्ड लीग चेम्पियन आरो 2023 माइथायाव मुतुगु चेम्पियन जादोमोन। बिथाडा चीनआव एसियान गेम्सआवबो गावनि बिमुंखौ रैखा खालामदोमोन। बेनि गेजेराव निरजआ डायमन्ड लीगनि खेबथाम हारसिं बादायलायनायखौबो देरहादोमोन आरो 2022 माइथायाव बुडुमनां चेम्पियनशिपआव मोनसे रुपनि बान्था मोनो हादोमोन। बबेखानि निरजआ दासिम 90 मिटरनि दगोसिम सौहैयाखै।



भारतीय फुटबल हान्जानि कच इगर सिटेमेकआ भुबनेस्वर केम्पनि थाखाय गेलेगिरिफोरनि फारिलाइखौ फोसावबाय। बेनि सिगां गिबि फारिलाइखौ फोसावनाय जाखबाय। गिबि फारिलाइआव जायगा मोन्नाय सा 26 गेलेगिरिफोरा भुबनेस्वरआव

बागान एसजनि गेलेगिरिफोरा जायगा मोन्दो। जायनि गेजेराव माखासेआ आइएएसएल कापनि फाइनाल मेचफोर गेलेदो। बिसोर सा 15 गेलेगिरिफोर 15 मेखालि

थियारिनि केम्पआव बाहागो जागोन। थामहिनबा गासै सा 41 गेलेगिरिफोरा नेसनेल केम्पआव बाहागो जाहैगोन। भारतआ फैगौ 6 जुनखालि कलकाययाव कुवेत आरो बेनि उनाव 11 जुनखालि काठारनि सेलेन्जआव गावसोरनि नख'रारि फोथारआवनो गेलेहैगोन। भारतआ ग्रुप-एआव खेबबे मेचफोरव 4 पइन्टजो नैथि मासिआव दड। ग्रुपनि टप-2 हान्जाफोर थामथि राउन्डआव सौहैगोन आरो बेनिफ्राय एएफसि एसियान कापनि टिकेट

मोनहैगोन। भारतीय केम्पनि थाखाय गलकपारनि फारिआव पि तेम्पा लाचेपा आरो भिशाल केथआ सायख'जादो। जेराव डिफेन्डर महैर आकाश मिश्रा, अनवर आली, मेहताब सिंह, राहुल भेके आरो शुभासिस बसआ जायगा मोन्दो। मिडफिल्डारनि फारिआव अनिरुद्ध तापा, दिपक टंगडी, लालें माभिया राल्टे, लालियान्जुवाला चांते, लिस्टन कलास आरो सहल आब्दुल समदआ सायख'जानो हादो।